



सानसेयारि 'बड'सा' खीरालाइयाव
अमाज्यादि जिउजो लोब्बा थावाय रायथाय, खन्थाय,
अल', अल'बाथा आरो हावबायादि थावनि, पार्क
बाइदिनि सायाव लिखाय लिखाय दिहाय ठर/
सानसेयारि 'बड'सा' खीरालाइया सेबरानावै
फोसावगोन।
बड'सायाव लिख्ठरनायनि हुवा खालाम,
'बड'सा' खी नौथा, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 26 December, 2023 Kokrajhar, BTC, Assam ★ Vol.- 33, Issue No. 270 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

कक्राझारआवबो गाहाम खुंथाय सान फालिदों

कक्राझार, 25 डिसेम्बर:
हादतजों लोगोसे दिने कक्राझार
जिल्ला भारतीय जनता पार्टीनि
मावखुलियाव भारत रत्न बारग'
गाहाइ मन्थि अटल बिहारी
भाजपेयीनि जोनोम साननि
लोब्बायै गाहाम खुंथाय सान
फालिनाय जायो। बे
हाबाफारियाव कक्राझार
जिल्लानि इन-चाज हरेन देडरि,
जिल्लानि आफादगिरि कविता
बसुमतरि, बारग' आफादगिरि
सन्तष तरफदारजों लोगोसे गोबां
मावथि-सोद्रोमाफोरा बाहागो
लायो। गुबुन फार्सेथि, कक्राझार
सहरनि कर्तपाराआवबो
ओन्सोलनि आइजो, लाइमोन
संग्रा-सिख्ला, गथ'साफोरखौ
लानानै गाहाम खुंथाय साननि
लोब्बाजों मोनसे सावराय मेल
खुंनाय जायो। बे सावराय मेलव
(□ 5 बिलाइआव)

भारत रत्न अटल बिहारी बाजपेयीनि मुसुखा लुनायनि अन्थाय खाम्फा गायसन्दों

गाहाइ मन्थि नरेन्द्र मदिनि दैदेन्नायाव बयबो हादत
दाफुंनायनि समाय खिरा लादों: गिबि मन्थि

दिसपुर, 25 डिसेम्बर: बारग'
गाहाइ मन्थि भारत रत्न अटल
बिहारी बाजपेयीनि 99थि
जोनोम साननि लोब्बायै दिने
गुवाहाटी नोगोरमा जौगाखां
बिफाननि बान्जायनायाव
मालिगावनि अटल बिहारी
फोथाराव खुंथाय गाहाम खुंथाय
सानाव गिबि मन्थि ७ हिमन्त
बिश्व शर्माआ बाहागो लायो।
गिबि मन्थिआ बारग' गाहाइ
मन्थिनिसम सिबिनाय बाउहरो।
गिबि मन्थिआ अटल फोथाराव
अटल बिहारी बाजपेयीनि
मुसुखा लुनो थाखाय अन्थाइ
खाम्फाखौ गायसन्नायै होयो।
(□ 5 बिलाइआव)



बिटिआरनि गाहाइ प्रमद बर'आ भारत रत्न अटल बिहारी बाजपेयीनो मानबाउदों

कक्राझार/गोदान दिल्ली,
25 डिसेम्बर: भारतनि बारग'
गाहाइ मन्थि गेदेमा अटल
बिहारी बाजपेयीनि 99थि
जोनोम साननि लोब्बायै दिने
दुलायय हादतनाइनेनो मोजां
खुंथाइ सान फालिनाय नुनो
मोन्दों। मिरुआरि हिसाबै भारत
सरकारआ गेदेमा भारत रत्न
मोनगिरि अटल बिहारी
बाजपेयीनि 99थि जोनोम सान
फालिनायनि लोब्बायै मोजां
खुंथाइ सानखौ हादतनि
राजथावनि गोदान दिल्लीनि
राजघाटआव मेहेरगोनां
हाबाफारिनि गेजेरजों फालिनाय
जादों, जेराव भारतनि हादतगिरि
द्रौपुदि मुरमु, लेखइ हादतगिरि
जगदिप धनकड़, गाहाइ मन्थि
नरेन्द्र मदि आरो मिरु सरकारनि
गासै मन्थिफोराबो बाहागो
लानानै अटल बिहारी बाजपेयीनो



मानबाउदों। बे बायदिनो
बिटिआरनिफ्रायबो गाहाइ मावफुं
सोद्रोमा प्रमद बर'जों लोगोसे
राइज्यो सभानि एमपि सेनगोर
नार्जोरिआवो दिनेनि बे मेहेरगोनां
हाबाफारियाव बाहागो लानानै
गेदेमा अटल बिहारी बाजपेयीनो
मानबाउयो। मख'नाय जायोदि,
दिनेनि बे हाबाफारियाव आसाम
(□ 5 बिलाइआव)

खड़गेनि सायाव गोखों अजद, नितिशआ गावनि थिरांथाखौ रोखा खालामबाय

अनलाइन डेक्स, 25 डिसेम्बर: कंग्रेस आफादगिरि माल्लिकार्जुन
खड़गेखौ गाहाइ मन्थि मासिनि बिजाथि खालामनानै लकसभा
बिसायख'थि गेलेनो थांखि होदों ममता बेनार्जी आरो अरविन्द
के जरिवालआ। बे थांखिनि
उनावनो नितिशआ गात्रि मोनानै
बेरेखा खालामनो लादोंमोन। बे
रोखोम अजद फेयिब्ला इन्डिया
ब्लकनि थांखिया मा जाहेगोन
बेखौ खेबसेयैनो बुंफोरानै होदों
नितिश (□ 5 बिलाइआव)

बारग' गाहाइ मन्थि अटल बिहारी बाजपेयीनि जोनोम सान फालिदों चिरां जिल्ला बिजेपिआ

ड'सा थान्दै, बासुगाव, 25
डिसेम्बर: भारतीय जनता पार्टी
चिरां जिल्लानि बान्जायनायाव
भारतनि आगु गाहाइ मन्थि अटल
बिहारी बाजपेयीनि जोनोम सान
फालिनायजों लोब्बा लाखिनानै
'गोगो खुंथाय सान फालिनाय'
जायो। दिनेनि बे हाबाफारिखौ
चिरां जिल्लानि सिडव थानाय मोन 7 मन्डल आरो मोनफ्रोम
बुथफोरय फालिनाय जायो। चिरां जिल्ला मावखुलियाव नुजाथियो
जिल्ला आफादगिरि रतन राय, बिजनी (□ 5 बिलाइआव)

गाजा-गोमजायै खुंफुंजाबाय सान्जा कलाइगाव ओन्सोलारि बाथौ महासभानि जथुम्माया

कलाइगाव, 25 डिसेम्बर: उदालगुरि जिल्लानि कलाइगाव सहरनि
गेजेरव थानाय बाथौफुरियाव मैया 24 डिसेम्बरनिफ्राय गाजा-
गोमजायै खुंथाय सान्जा कलाइगाव बाथौ महासभानि 3थि बोसोरि
जथुम्माया दिने जौबफेयो। मोन 20 बाथौ समाजनि बाहागो
लाफेनायाव खुंथाय बे जथुम्मायाव बाथौ सिबियारि राइजो-राजाफोर
फुंबिलि समाव बाथौ आर'ज गाबनायजों हाबाफारिखौ जागायजेनो।
बे जथुम्मानि थान्दै जथुम आरो गेवलं मेलयाव माननि आलासि
आरो धोरम फोसावगिरिफोरनि बिबुंथि लाखिनाया बाथौफुरियाव
ज' जाफेनाय सिबियारि राइजो-राजाफोरखौ सिबिनाय आरो
सोलोथानि बेलायाव थुलुंगाखानाय (□ 5 बिलाइआव)

सालाकाटि दख'रा एबसुनि 14थि आरो सामपुर दालाइसा एबसुनि 15 थि थान्दै जखन्थाइ खुंदों

कक्राझार, 25 डिसेम्बर:
सिगां बोसोरफोरव खुंजोनाय
बायदिनो बे बोसोरावबो
सालाकाटि दख'रा दुलाराइ बर'
फरायसा आफादआ 14थि थान्दै
जखन्थाइखौ साननैनि मेहेर गोनां
हाबाफारिजों खुंथाय। सालाकाटि
दख'रा एबसुनि 14थि थान्दै
जखन्थाइजों लोगोसे सामपुर
दालाइसा एबसुनि 15थि थान्दै
जखन्थाइखौ 24 आरो 25
डिसेम्बरखालि साननैनि मेहेर
गोनां हाबाफारिजों गाजा-
गोमजायै खुंफुंनाय जायो।



कक्राझार जिल्लानि सिडव
थानाय सालाकाटि दख'रा एबसु
आरो दख'रा एबसुनि बेन्दोखव
थानाय सामपुर दालाइसा
एबसुनि थान्दै जखन्थाइखौ
जुथायै सातबिन्दो गामिनि
फोथाराव खुंफुंनाय जादों।
(□ 5 बिलाइआव)

सा-सान्जानि राइज्योफोरव गाजा- गोमजायै बरदिन फोर्बों फालिदों मेघालय, नागालेन्ड आरो मिजरामनि गिबि मन्थिफोरा बरदिननि गाहाम हामब्लायनाय बाउहरदों

गुवाहाटी/शिलंग, 25 डिसेम्बर: भारतनि सा-सान्जा ओन्सोलनि
माखासे राइज्योफोरव खुष्ट सिबियारिफोरनि अन्जिमाया गोबां
जानायलाय दिने गाजा-गोमजायैनो बरदिन फोर्बों फालिनानै रंजनाय
लादों। गुबैथे मिजराम, नागालेन्ड आरो मेघालयाव बरदिन फोर्बोंखौ
गाजा-गोमजायैनै फालिनाय जायो। बरदिन फोर्बोंनि मुडै दिने
मेघालय, नागालेन्ड आरो मिजरामनि गिबि मन्थिफोरा बरदिन
फोर्बोंनि मुडै राइज्योनि साफ्रोमनोबो गावसोरनि गाहाम
हामब्लायनायखौ बाउहरदों।
मेघालयनि गिबि मन्थि कनराड
सांमाया मोनसे हामब्लाय
रादाबनि गेजेरजों राइज्योनि
साफ्रोमबो सुबुंफोरखौ
फोथायनाय, मिजिथि आरो
(□ 5 बिलाइआव)

कक्राझार, 25 डिसेम्बर:
कक्राझार जिल्लानि बिषमुरि
आवजारगुरि फोथाराव सान्नेनि
हाबाफारिजों खुंथाय हिन्दु-
सावथाल लेग-आसार रुखिया
बाइसि आसाम आफादनि 12
थि गासन्थाय आरो बोसोरि
जथुम्माया दिने खुंफुंजालाओ।
दिनेनि जौबथा साननि हाबाफारि
बायदिने सावथाल हारनि
धोरामरि माझि थानसालियाव
(□ 5 बिलाइआव)

गुरुफेलाआव बारग' गाहाइ मन्थि भारत रत्न अटल बिहारी भाजपेयीनि 99 थि जोनोम सान फालिदों

गसाइगाव, 25 डिसेम्बर:
ऊरतनि बारग' गाहाइ मन्थि
भारतरत्न रंसारि अटल बिहारी
बाजपेयीनि 99 थि जोनोम
सानखौ हादत आरो राइज्योनि
दाब-दाब जायगाजों लोगोसे
दिने कक्राझार जिल्लानि
गसाइगावआवबो फालिनाय
जायो। गुरुफेला रत्नपिठ
सिबिथाय आफादनि श्रामुर्जी
थांखि गोबां बिथांखिनि
लांगोनायाव दिने खुंथाय जोनोम
साननि हाबाफारियाव गाहाइ
आलासि महेर राइज्यो सरकारनि
केबिनेट मन्थि आरो कक्राझारनि
दिथागिरि मन्थि अशक



सिंहलआ बाहागो लानानै
भारतरत्न रंसारि अटल बिहारी
बाजपेयीनि मुसुखायाव बिबार
बाउजेन्नानै आलारि बाथि
फोर्बोंनानै मान होयो। बेजों
लोगोसे मन्थिआ गुरुफेला गुरुजी
थांखि गोबां बिथांखिखौ
नार्यागदिनानै बेनि लुफुंथायजों
लोगोसे राहाफारिनि सुलु लायो।
खौरं बिजोंनि सिगाडव बिथाड
अटल बिहारी बाजपेयीनि
बिबुंथिखौ गोसोखांथिनानै
बुडोदि, सासे खन्थाइगिरि,
(□ 5 बिलाइआव)

आलफा आरो भारत सरकारनि गेजेराव फैगौ 29 डिसेम्बरखालि गोजोन गोरोबथा खालामनो हासिगौ!

गुवाहाटी, 25 डिसेम्बर: आसामनि मोनसे
गोखों उतरखारि आफाद इन्डाइटेड लिभारेसन
फ्रन्ट अफ आसाम (आलफा)नि सावराय
बेरेखा हान्जाया बे खेबआव जादिमिनारि गोजोन
गोरोबथा जानो थांगसिनो। सरकारि मावखुलि
सुलुनिफ्राय मिबथिनो मोन्नाय बायदिब्ला
आलफा-सावराय बेरेखा हान्जा आरो भारत
सरकारनि गेजेराव फैगौ 29 डिसेम्बरखालि
हादतनि राजथावनि गोदान दिल्लीआव गोजोन
गोरोबथानि सागान खालामगोन। आसामआव
अरायथा गोजोन थासारि लाबोनायनि थांखिजों

भारत सरकार आरो आलफानि गेजेराव बे गोजोन
गोरोबथाखौ खालामनो थांखि लानाय जादों
आरो बे गोरोबथा खालामनाया आसामनि
थाखाय मोनसे जादिमिनारि गोजोन गोरोबथा
जागोन। दिने 25 डिसेम्बर समबारखालि
आलफा-सावराय बेरेखा हान्जानि दैदेनगिरि
अनुप चेटिया आरो अरविन्द राजकवामोननि
दैदेननाय मोनसे थान्दै हान्जाया भारत सरकारनि
गोजों थाखोनि थान्दैफोरजों सावरायज्यालयदों।
गोरोबथा खालामनायनि सिगां आलफानि
दैदेनगिरिफोरा (□ 5 बिलाइआव)

तामुलपुर, 25 डिसेम्बर:
तामुलपुर जिल्लानि तेतलिगुरि
कालाकुसि बारवारि श्रीश्री लक्ष्मी
आरो माइनाव मन्दिरनि
लांगोनायाव दिनेनिफ्राय 26
डिसेम्बरसिम सान्नेनि मेहेर गोनां
हाबाफारिजों तामुलपुर दख'रा
दुलाराइ बर' फरायसा आफादनि 36थि थान्दै मेला जागायजेनो।
दिने फुंनि समाव बिटिथिनि एमसिएलए हेमन्त कुमार राभाआ
गाहाइ दरख'खौ बेखेवनानै होनायजों हाबाफारिखौ जागायजेनायनि
उनाव बड'फा उपेन्द्र नथ ब्रह्मनि फार्से मान बाउवो तामुलपुरनि
लाइमोन दैदेनगिरि समनाथ बसुमतारिआ। बेनि उनावनो गाहाइ
साइनासालिखौ बेखेवनानै होयो ओन्सोलनि समाज सिबियारि
मिलन बर'आ, जौसांखौ बेखेवनानै होयो गइबारि ब्लक
इउपिपिएलनि नेहाथारि कबिन चन्द्र बसुमतारिआ, भलेन्टियार
बादा आरो थान्दै बादाखौ बेखेवनानै (□ 5 बिलाइआव)



तामुलपुर दख'रा दुलाराइ बर' फरायसा आफादनि 36 थि थान्दै मेला जागायजेनबाय

कक्राझार, 25 डिसेम्बर:
मुलुगजों लोगोसे दिने बिटिसि
सदर कक्राझारवबो खुस्टान
धोरामरि सुबुंफोर रंजा-बाजयै
गोथार बरदिन फोर्बों फालिदों।
गोथार बरदिन फोर्बोंनि लोब्बायै
गिजाजों लोगोसे गाव-गवनि
न'-बांफोरखौ साजायफबदों।
लोगोसे दाब-दाब जायगायाव
जिशु खुस्टनि जोनोम साननि
लोब्बायै फालिनाय खुस्टमास
एवा बरदिनखौ मेहेर गोनां
हाबाफारिनि गेजेरजों
फालिनायखौ नुनो मोन्नाय
जादों। दिने जिशु खुस्टनि
आर'ज, केरलनि दंखोजों
ग्रंमोमबो गिजाफोर गोमखादों।



कक्राझारआव बरदिन फोर्बोंनि मुडै जोबथेसालिाव फिथाइ-सामथाय रान्दों

सिबियारिफोर आखाइ-आखाइ
बाइबेल लानानै जिशु खुस्टनि
खाथियाव गोजोन, बयनिबो
मोजानि आर'ज गाबनायनि
अनगायैबो गोथार बरदिननि मुडै
बयबो ज' जानानै बोथिसे जानो
थाखाय फिथाइ-मिथाइजों
लोगोसे बायदि रोखोमनि जाग्रा
आदार संनायखौ नुनो मोन्नाय
जादों। गुबुन फार्सेथि, गोथार
बरदिनाव जोबथेसालियाव
जोबनानै दोनजानाय
केइदिफोरनि फार्से सुबुंथि
(□ 5 बिलाइआव)



लोगोसे बायदि रोखोमनि जाग्रा
आदार संनायखौ नुनो मोन्नाय
जादों। गुबुन फार्सेथि, गोथार
बरदिनाव जोबथेसालियाव
जोबनानै दोनजानाय
केइदिफोरनि फार्से सुबुंथि
(□ 5 बिलाइआव)

सुजुगिरिनि खोलोम



ना-साम'नि आंखाल

सिगां समफ्राव हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फ, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांख्रायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फ बिलो आरो ओरैरो बोहैलांगारनाय दैफ्रावबो ना-साम'-खांख्रायनि आंखाल नुजायामोन। खालिबोल' गोनोथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फैनाय सेन, खखा, खाखि, जेखाइ, पल' फोरजोनो सानानै हमनानै सल, बार्लि, नाझाइ, बोथिया, सिंगि-मागुर, थुरि-बामि, फिथिखि-मावया ना एग्रे-ब्रेप्रो मोन्नाय आरो मोनजानायनि बोथोरा माबा लांखायावनो गोमालांवाय। आधिखालाव दसै टाउन-सहर, हाथाय-बाजाराव दाब-दाब राइज्यो आरो बिलोफेरनिफ्राय लाबोनाय नाफोरजोनो ना ओंख्रिनि आइटेमखौ फोलोमनांगो जानानै फैयो। सुबुं देहानि थाखाय नानि गोनोथियाबो एसेल' नडा। नाथाय मोन्नांगौयासो गोब्राव जानानै फैबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनाय नानि आंखालखौ फोलोम फैनाय जायो होनानै मिबथि मोनो।

ना-साम'-खांख्राय गोमालानायनि जाहोन एवा जोबनानै थोक्ले-माक्ले जानायनि गुदिखौ गोबाडानो बाइदिसिना जाहोन आरो बिजाउन होनानै फोरमायबोदो। बेफोरनो जाहैबाय दैसा-जाम्फ, बिलो, हाख 'र-हालाफ्रा लासैयै सानफा-एफा खोखांनोनाय दै थायै जानाय आरो बिलो बेहेर बारिफ्रा गोमालानायजो लोगेसे बेफोरनि बांसिनो दडक्लाबो दै गैयै थायै जानानै फैनाय। दै गैयाब्ला ना-साम'-खांख्रायफ्रा बनेनिफ्राय थाफैरो आरो बोरै फोलेर एरनो। फासैथि मिथिंगा बिखायाव सिगांनि बादि अखादैजो आबुं जानानै थालिया। दैज्वां बोथोराव अखा हानानै थानाय दैयाबो दैज्वां बारनाय लोगो-लोगोनो राननानै गोरान जालाडे।

गुबुन मोनसे जाहोनखौ दैज्वां हाबनाय लोगो लोगो अखा हादैन जावरिनायजो जेराव बिलो, दैसा-जाम्फेफोर द' बेफोर दैसा बिलोफ्राव फुवान होनाय ना आरो बिदै गोनाना नाफोरखौ गोबो जेजो बोखानाय आरो मुलि-बिषो होनानै हमनायाव नानि जोलै एरनायाव हेंथा फैनायखायनो ना-साम' खांख्रायनि बिबाड सानफा-एफाथैनो बाडाय जाबोनानै आंखालनि महर लाफैदो।

मिथिंगा बिखाया बिफां-लाइफां, हाग्रा-बंफ्राजो थाजिम सोमखै महरे थायोब्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्लासो दैसा, बिलो हाख 'र, हाल, जाम्फेफ्रावबो दै बोहैगोन-ना साम', खांख्राय आरिफ्राबो दैयाव थानानैनो फोलेर एरहोनायनि खाबु मोनमोन अब्लासो फारफ्रोम बिथिनि थाथाया सरासन्नायाव फैफेनिफ्राय। ना-साम'-खांख्रायनि आंखालखौबो एफा-एनैयै फोलोमनायनि लामा मोनफिनायनि राहा थाहैगोन।

दिनैनि फान्जामुथि

राशि बाइदियै मुनि गिबि हांखो

मेघः अ ल	बुषः ऊ ब (उ ए इ)	मिथुनः क छ (ड घ)
कर्कटः ड ह सिंहः म ट	कन्याः प त (ण ष)	
तुलाः त र वृश्चिकः ब न	धनुः ध भ (ङ फ)	
मकरः ख ज कुम्भः ग श (स)	मीनः द च (ख ज झ)	

मेघः जेखि मावा फालांगिआव मुलाम्फा आरजिनानै लानो हागोन। मोजां सम।

बुषः नख 'रआव माबाफोर जेना नुजानो हागौ। गोसोखौ शान्ति गैयै मोनमोन। गोसोखौ हयथा।

मिथुनः मोजां रंगथनि थाखाय मान मोनो हागोन। गोजोननाय मोनमोन।

कर्कटः मानिबा थाखाय रं खर'सा खालामनानो हागौ। थाखानाय रंआ जोबखानो हागौ।

सिंहः खामानि मावनाय-दंनयाव अलसिया जानायनिफ्राय गोजानाव थानो नाजा। गोसोखौ लोरखां दाखालाम।

कन्याः जे खामानिखौ मावगासिनो दड' बेयावहाय मुलाम्फाखौ मोनो हागोन। गोजोन मोनमोन।

तुलाः नख 'रनि साफ्रोमजोबो अनलायनानै थानो हागोन। गोजोनै सम बारहोनो हागोन। मोजां सम।

वृश्चिकः मायावबा द्रेहासार जानो हानायनि थाखाय मानजो लोगोसे बाथबो मोनो हागौ। गोजोन मोनमोन।

धनुः बिसि-फिसाय अनलायनाया अरायसम थाबाय थागोन। नख 'र संसारा जौगानाय फैगोन।

मकरः सोरबा लोगोफोरजो दावराव-दावसि जानो हागौ। सोमोन्दो थानायफोर गावसानो हागौ। गोसोखौ हयथा।

कुम्भः साखिफोर मावनायाव सोरनिफ्रायबा हेंथा एवा अजद दैखोजानो हागौ। जेरैबो सांफ्रां जानांगोन।

मीनः सोरजोबाफोर गोथौयै सोमोन्दो लाज्जलायनानै थानो हागोन। फारफ्रोमिथिबो मोजां।

इउक्रेनआ रासियानि बेरेखायै कामाननि गुलि बायनो थाखाय 40 मिलियन डलार मोन्दो

किम्भ, 25 डिसेम्बर: इउक्रेननि पुलिसआ जाखल 'नायनि दायआव रेखाथि बिफाननि सासे गागि मावख 'गिरिखौ हमदो। हमजानाय मावख 'गिरिनि सायाव इउक्रेननि रैनियाफोरनि थाखाय कामाननि सिलाइ थगायनायनि बाहागो महरे खमैबो 40 मिलियन डलार जाखल 'नायनि दाय जाबसिन्दो। निउयक टाइम्सनि बायदिब्ला इउक्रेननि रेखाथि सिबिथाया शुकूबाराव गागि मावख 'गिरिखौ खानायनि खौरां फोसावदोमोन नाथाय मुखौ फोसावनाय जायाखैमोन। जाखल 'नाय आरो राउडरि गाजि सामलायनायनि खौरानि थाखाय रेखाथि मन्थिखौ



सेप्टेम्बर आव होखारनाय जेलेन्स्कीआबो जुजिनायखौ गाबनि दावहानि समनि थांखिफोरनि गेजेराव मोनसे बानायदो। हादरगिरि भलडमिर

आखा-फाखा रानायखौ रोखा खालामनो लुबैयो मानोना हादरनि रैनिया हाञ्जायाव रासियानि रैनियाफोरजो जुजिनो थाखाय हाथियार आरो गुलि-बोरुदनि आंखाल दड। इउक्रेननि रैनियाफोर आरो कामान्दारफोरा बावैसो सानफोराव बुंदोदि, कामानआ गावनायनि आंखालनि जाहोनाव बिसोर माखासे रैनिया अपारेसनफोरखौ खम खालामदो आरो इउक्रे नआव गले-गले रासियानि गाग्लोबनायखौ सहायनो हानाय गोहोखौ लोरबां खालामदोमोन। हायुआरि रेखाथि आरो सोलोनि सायाव इउक्रेन संसदनि आफादनि लेडइ

मासिगिरि याहर चेरनेभआ शुकूबाराव मोनसे मोगा-मोगियाव बुंदोमोनदि, जो सिगाथि दायगानो हाया जेव्हा जौनाव गुलि गावनो थाखाय जेबो गैया।

शुकूबाराव फोसावजानाय खौराव, इउक्रेन बिजिगिरिफोर मोनसे बिबुथियाव बुंदोदि, रेखाथि बिफाननि मावख 'गिरिया बांनाय बेसेनाव कामाननि सिलाइ बायनो थाखाय मोनसे खांन्थि जौगाहोदोमोन। डिसेम्बर 2022 आव मावख 'गिरिया आर्टिलरि शेलनि मोनसे बाहागो बायनो थाखाय सासे दिहुनिगिरिजो मोनसे गोरोबथायाव सगान होदोमोन। बे रादायखौ उनाव नागारनाय

जादोमोन, जेव्हा बावैसो मन्थि बिफानजो दाजानाय मोनसे बायनाय एजेन्सिआ बे एखे दिहुनगानो मोनसे गोदान गोरोबथा खालामदोमोन, खरसाखौ 30 जौखोन्डो बाडाय खालामदोमोन आरो सासे गुबुन हादरारि गेजेरारि सुबु'खौ बोखारनानै दै थायहरनायनि समखौ मख 'जाथाव खालामदोमोन। इउक्रे ननि मावख 'गिरिफोरा बुंदोमोनदि, मन्थि बिफाना रंखौ मोनफिनो थाखाय खामानि मावगासिनो द' दावहानि समाव इउक्रे नखौ गोहोम खोखैनाय बयो गिबिसिना जाखल 'नाय।

सुंद 'सल'

अनिल कुमार ब्रह्म

फोरमाथै सिमां

अखा नायसि थफेना मोनसे आरजाथारै सिमां नुदोमोन। खोमसि हर गेजेराव बियो बबेबा मोनसे गुदु हाग्रा गेजेरजो थांफेरदोमोन। ओजो-हजो फेसा गावनाय, सियाल हब्रानाया खोमसि हरखौ गिथावसिन खालामदो। थेवबो बियो आवगाय लांदो। लामा ससेआव मोनसे दन्दर लामाजो एरसोलावदो गोथोनिफ्राय गोथौसिनाव। एसेआवनो मोनसे सोदोबनि रिखांनाया बिखौ बाग्दाव होयो। बियो गोजांफिउ मोनो। थादब्ला सोरबा हिनजावनि दुखु गोनो गावनाया रिसारो, नोंसोर आंखौ निमाहा हो। दया आनि नडा, मानोना आं ईस्वरनि फिसा नडा। नोंसोर ईस्वरनि फिसा। आंखौ रेखा खालाम। बे गुदु हाग्रायाव, खोमसि हर गेजेराव सोर जाखो हिनजावा, सोर गाबखो ? गावनाय जायगाथि नायस' हैब्ला बिन मोगन नोजोराव गोग्लैनायसै सासे हिनजाव दिन्दो फासि नांनय। एसेयावनो बियो सिरि मोनदो। नुफेरा-नुफेरा मैया-मैया सिमां। गुदि गैया खिथा गैया मा ईस्वरनि फिसा, ईस्वरनि फिसा: सोर मानसिनि फिसा, सोर ईस्वरनि फिसा ? खैदांफोरसो जाबायगोन नामा ? दा बेलासियाव खिन्था नांगौ जाबाय सिमांनि बाथ्राखौ बिथां जयन्तनो। मा सानमोन बि ? हु- हा मिनिगोन ? नाथाय जयन्तखौ मखब्लानो थफेननि गोसोआव अनजालिनि सावगारिआ जाखांफैयो। दासान्दि सानैखौ लानानै गोबां सल' ओंखारदो जे जायगायाव। जयन्त आरो अनजालि, अनजालि आरो जयन्त। जुलि जाबाय बायोब्ला समायथारगोनबो सानैजो।

गंसे गोजू फरायसालिनि फोरोंगिरि जयन्त। मानसिआ जायगानि नडा। सहराव न'भारा लानानै हासिँडे थायो। बेवहाय बोसोरनै थाफ्रामबाय। गावनि नआ सहरनिफ्राय गोजानाव नडा। बि. ए. फेल जानाय बेकार सेंग्रा थफेना सहरावनो हलि-गलि खालामबाय थाग्रालाय थाबनो जयन्तजो सिनायज्जायदो। बाडाय समनि गेजेरावनो सोमोन्दो गोनो जालांदो। गुलि-गुलि। गाव सावसुब खुगा गेबे खायनो बियो हौवा हिनजाव, बोराय बुरै बयजोबो गोमोन जानो हायो। बेखायनो संसाराव जानाय जाथायफोरनि गोबांफ्राबो बिन खोमा फारनैआव थोंजोनो हावफैयो। आरो अनजालिआ गामिसेनि गोजानै खुरमा जानाय सोमोन्दोआव गावनि बिनानाव। देरलाय जि थाखोआव फरायो। बेखौनो तितसन लादोमोन जयन्तआ सानखांन्थिआव। गावनो रायज्जायना थिग खालामदो।

नायनो मोजां सेंग्रा जयन्तआ एसे गोमोथाव आखुनि। गोमजोर। खोथा खम बुडो। जि बुडो थार बुहो। खोथा फेसेनि मानसि जयन्तआ। बिन रायनाय, फाव- फेसनफ्रा हिर' एवा एक्टर बायदि होना फरायसाफ्रा बुडो। हिनजावआ सोर जाथावगौ अंक' खालामना नायो। फिनखोआव मोनो थाखोसेआव फरायजाबनाय अनजालि। जाहोना, बिखौजे जयन्तआ हासिँडे तितसन लायो।

फरायसुलिफ्रा बेबायदि सावरायनायाव आगानसे बाराबाव। बिसोर बुडो-अरनि खाथियाव फि आ आवलि खगोन। अनजालिनि जि खै सानाय ? तितसन लानानै फरायनायाव लथ' प्रियेयाड जाना थब्ला जानाय नडा, लोगोसे लाईफ केरियाराबो मजबुत जाफानांगोन। बि.एच.चि. (अनाच)। हेन्दसाम। दा माप्तर माला मा जानो ? फिउचायथ' दडा। खाफाल-हाय खाफाल ! अनजालिनि जि खाफाल। बेबायदि सेंग्रा मोनोब्ला दा बायदिआव फरायनायखौ ज्राव गारनानै खारसन हैसिगी आं।

प्ताफआवबो रहस्व हाब्बायमोन। दिने टितसन द' होनब्लाबो साफा-सानै फोरोंगिरिफ्रा मिनिफु होगारनायखौ थफेनहा नोजोर द'। नाला मोनाब्ला खौराड एरैनोबो बिरफुड। अनजालिआ गावनो बुंनाने लादो बेलासियाव।

मा नोंथां, माप्तर बाबु, मा खबर ? माप्तर मानसिया मा खबर थाबावनो ? बेनोसै, जानाय-लौनाय आर थांलाय-फैलाय।

मानो ? बे लाभ-लसनि बाथ्रायालाय ? माथो नोंथानि सातिनि बिमा बिफाया नोंखोनो खोब अनसो गारोनो ?

अनोथ' अनो। नाथाय जायनिफ्राय मोनान्गौ बिनिक्राय अन्नाय मोनाब्ला अनजानायनि बेसेना बहा ?

आरो बावदा ! फिसानि खाथिराव बिमानि गोदोनि। बिमानि गोसोखौ गलि होनो हाबायब्ला, फिसाखौ आर मा बोलो ? फिसाआ बिमानि आफाखिसो।

आफकर्स। नंद्रायै नडा नोंनि आगुमेन्तआ। नाथाय खाफाल दाखुरा जों। जोंखि अनजालि बायदि सिख्लानि सेराव गसंदेरफानो

समायो ? मालाय इयुन दं, कलेज फरायगोन, डाक्टर-ईन्जिनियार-अफिसार फिसाय मोनमोन।

दोन-दोन नोंथानि खोथाया। सोर साबसे बर'हिनजावफ्रा डाक्टर-ईन्जिनियार-अफिसार फिसाय मोन्दो ? आरो जयन्त, अनजालिया दहाय आंनाव फैदोमोन गावनो मोनसे टप सिक्क्रेत फोरमायलांदो।

मा फोरमाया ? जयन्त नोंथाड फोथाय, बेफोर फोलानाय नडा। गाव बुंथिनो हायैलाय बियो आंखौ हमदो। नुजेनायावनो गोसो थोदो होन्दो नोंथांखौ। अनजालिआ लुबैयो नोंथानि गोसो बिखा-बिखलो। नोंथांहा हामब्लायनाय दं फा ?

जयन्तआ सिरि थादो। बायजोथिं गोजानाव लाथिखआव नायख्लें हरदो बेसेबा गोबाव। उनाव खुगा बेखेवदो, नोंथाड आनि आंगोनि लोगो जाबाय जेव्हा, नोंथांनि सिगाडव बाथ्राखौ दोनखोमानाया गाहाम जानाय नडा। अनजालिआ आंखौ जिखि साना नाथाय गोरोन्थि जाबाय। अनजालिआ गोसो थोनानै गोरोन्थि खालामबाय। बबेखानि गोसो थोनानाया गोरोन्थि। लाईफ एस मेयार फलि। बेनिफ्राय जयन्तआ फोरमायलांदो गोबोनि खोथा-जीउ जारिमिन।

जयन्तनि मते, गोसो थोनाया मोनसे बेराम। सोखानो हायै बेराम। सोरनिबा फासै गोसो हगारसरोब्ला बे गोसोखौ लाबो फिन्नायानो जोबोर गोब्राव। गोसो मोन्नायनि सिगां सुयै आरियै गोसो हगारब्ला बे जेथो गोनो मुगायाव खैदांनि बेहेरावसो गब्रायनो हागौ। बेहेरावनो गब्रायदोमोन जयन्तआ गावबो। मेट्रिक पास जानानै गावनि जिल्लानि सदर कक्राझाराव फराय हैदोमोन जयन्तआ। कलेजआव फरायनाय समावनो मासिना मुनि सासे खुप्टान धोरमारि सिख्ला लोगो मोन्दोमोन बियो। आर्टसनि साति मासिनाया महर मोखां बेरस्र। एरैनो सिख्ला समाव मोजां नुखायो सिख्लाफोरखौ। मासिनाआ साबद्रायबाव। गोबां सेंग्रीनो सिमांमोन मासिनाआ। नाथाय सासे हिनजावआ साफ्रोम हौवानि सिमांखौ मोकथां खालामनो हाया। बियो मेगन खेबदो जयन्तखौ। जयन्तजो बियो अन्नाय नामसि नामसि खालामो। हिनजावफोरनि खाथिआव फैफैरे जयन्तआ दहमैनो मासिनानि फासै लेमलांदोमोन। बेबायदिनो मोजां मोनलायदोमोन। उनाव सतबांसावो लाज्जलायदो। जयन्तआ गाव मासिनानि खरआव दंनानै बिखौ फोथाय होदोमोन, मासिना नों नडब्ला जीउआव आंहा रावजोबो हाबा जानाय नडा।

नाथाय समायखौ लाब्लानोथ' जाया। फोरमान होनांगोन। बेनि बोसोरनैनि उनावनो जयन्तनि अर आनजाद।

पि. इ. चि. आनजादआव उथ्रिनानै जयन्तआ कक्राझाराव अनाच' गैथैनि सिलंआव फरायहैदो फिजिक्सआव अनाच' लानानै। मासिनाआ फेल खालामदो। बे बुक्लियानो जयन्तनि थाखाय गाजि आरो दुखु गोनोमोन। मासिनाखौ बियो लायजामजोसो लोगो हयनांबाय थानांदोमोन। मासिनाया फिनखोआव सम-सम सतबांसांनि बाथ्राखौनो रायखांहरबाय थायोमोन। नाथाय एसेआवबो बि. एच.चि. नि जोबथा आनजाद सोलिफुबाय थानाय समावनो खोनाबाय- मासिनाहा हाबा जाबाय, सासे डाक्टरजो।

माब्रै जाखो ? बाथ्राय नंगैना नडा सुलाद लानानै मासिना मोन्नाव थोंजो फैदोमोन जयन्तआ। नुफैदोमोन मासिनानि हाबानि गालानाय सायराव नरेसनफोर। बिन गोसोआ बायफ्लेदोमोन। हजि-हजि बुनो लुबैदोमोन- मासिना नों मा खालामखो ?

नाथाय मासिनानि दायखौ बिमाआनो बानसना लादो। बुंदो-मा खालामनो जयन्त। मासिनाहा गावहाबो गोसो गैथामोन। नाथाय बियो आनि फिसा। फिसानि सुखु-गोजोनि थाखाय आंहाबो सान्नांगो बाथ्रा दं। खोनासंनो गाजिब्लाबो बुंनान्गो जायो। नोंसोर हिन्दुफ्रा जों खुप्टानफोरखौ मोशौ बेदर जाग्रा होनानै मुगैयो। जोंहाबो हेंथा दं समाजाव फिसा। हिनजावफोरखौ हिन्दुनि नखराव बिलायनाय जाया। बिब्बि खालामब्ला बर' खुप्टान समाजखौनो जों सोलिनाय जागोन।

अ, खोथाया बेवहायसो जादो ? जेखिजाया आं मासिनाखौ खेबसे लोगो हयमानो मोनब्ला हामजागौमोन, मासिनाखौ आं नायस्रानो लुबैदोमोन।

नोंनि गोसो। नोंनि लुबैनायखौ आं माब्रै हेंथा होनो ? नाथाय नोंनुजा हैमारोब्ला फिसानि जीउआ देबोर नांनोबो हागौ।

मासिनानि जीउखौ देबोर फानो सानाखिसै जयन्तआ। गावनो बिखायाव हाजासे दावदाव लानानै शिलंआव थांफिनदो। आद्रा थानाय प्रेकतिकेल आनजादखौ

गोसो गोबोथै होफुजोबदो। थियरिआ जोबखांवायमोन। आनजाद आव बियो उथ्रिदोबो। बेनि उननि समा फोरोंगिरि महरे दा जैरे नुदो। बे हाबाखौबो नाथाय जीउनि राहा हिसाबै लायाखै। बर' बिजोंजो फरायनाय बर' फरायसाफोरनि हेफाजाव होनानै हारिनि फासै एसे सिबिनाय जागोन। गोसो जाव्हा बियो जायखिजाया समावनो बिबान एंगारनो हागौ। इडनिभारचिदिआवबो फरायहैनो हागौ। नाथाय जायदा जीउआव जेबो हाबिलास गैलिया, बिहा फरायनाय माथो जाबानो ? बे जादो जयन्तनि बाथ्रा। दा अनजालिआ जाथायखौ खोनाब्ला माबायदि लागोन ? सिबाय अनजालि ! नुजेनायावनो गोसो थोदो आरो गोसो थोजेनायावनो रयसिगोन।

नाथाय अनजालिनि गोसोआ रयाखै। लेथाआ गावहानो नांवाय थफेनहा। आखायाव जौनै रां गथायनानै सानसे बुंवाय, बिनानावनि फासै अन्नाय दंब्ला आव' मासिनाखौ बेसिम लेंबोनाय। एंड्रादोमोन थफेना। नाथाय अनजालिनि गाबफ्रा-गाबफ्राय जालायनायाव आरो दहाय लालायनायाव बियो ओंखारनाडे डाक्टरनि न'फारसे। गुबुन शहराव। डाक्टरहा फार्मासि दं शहराव। मासिनाखौ जयन्तनिफिसम लेंबोनो थफेनहा गोब्राव जायखैसै। जयन्तखौ खेबसे लोगो हमनो गोसो दंखायोमोन बिहाबो। बिजों लोगोआव सासे हैवास गथ'। गावनि गथ'।

जयन्तनि नआवनो सानसेखालि बिसोर ज' जथुमलायनाय बायदि जायासै। जयन्त, मासिना अनजालि आरो गाव थफेन। बिब्बि जथुमलायनाय जागोन सानफेराखैमोन दं सिबाय जयन्तआ। सिबाय-एसे गोमोहावदो। मासिनायानो बाथ्राखौ जुरिदो। आंखौ निमाहा होदो जयन्त, आंनिनो गोरोन्थि जाबाय। नोंखौ आं एसेबां पाफेक्त थु मेन सानाखैमोन। खाफाल मोजां आंनिनो बेबायदि मोजां सेंग्राजो मोजां मोनजादो। आनि फिसाय डाक्टरारो नोंबायदिनो मोजां मानसि। दालाय माथो जादो, हिनजावनिथ' आंखाल गैया ? खथ' आंनिखूइ साबसिनखौनो मोनमोन। बेलाय अनजालि बिनानावआनो आंनिखूइ बेसेबा गुन साबसिन। समायखौ नों फोरनो हागौ। फोरबानो जाबाय।

बेल' बाथ्राया, बेखौनो बुनो फैदो नों ? दड' जयन्त, बाथ्राया दाबो जोबाखै। थार बाथ्राखौ आं दाबो बुडखै। जानो हागौ नों बेफोरखौ नंखायबो सानो हागौ। हौवा मानसिथ' ? जो हिनजावफोरा संसारनि बाथ्राफोरखौ जोबोरैनो सिन्था हाबो, नोंसोर हौवाफोरा जेरै मुलुगनि बाथ्राफोरखौ सिन्थाहाबो। जेरै जीचु, कृष्ण, हजरत। आं माब्लाबा सानहाबो- जीचुआ ईश्वरनि सासेल' फिसाज्जा, कृष्णआ गावनो ईश्वरब्ला आरो हजरतआ आल्लानि जोबथा पेगाभरब्ला बुंनान्गोन हौवाफ्रा ईश्वर एवा ईश्वरनि फिसा। हिनजावफ्रा मानसिनि फिसा। बेखायनो हिनजावफ्रा लोरबां। लोरबां हिनजावफ्रा हौवाफोरनि सायायाव थायाब्ला रेखा गैया। आंहाबो राहा गैयामोन। आंनि फारसे कत' मानसिनि नोजो गोलेदोमोन। आं गिखांदोमोन। थांनाय-फैनाय जेरावबो खैफोदो गोनो मोनदोमोन। आं बुजिदोमोन- आंखौ संसारनि मानसिफ्रा सिख्ला हिसाबे उदादे थानो होआ। आंनो नांगो जादोमोन सोरबा सासे सेंग्रीनि मदद। नोंनि सेराव थाफानानै आं गावखौनो गोमो मोनदोमोन। बे समाव आं हाबानि बाथ्राखौ सानथ' आखेमोन। पि. इ. आव खेबनै गादलिननायनि उनावसो मेगन गेवदो। फरायनायनि अलटारनेतिभआ हाबायाल' सै। नाथाय सोरजो ? जयन्तजो ? जयन्तआ मोजां मानसि। आं मानसिखौ बसिआ। नाथाय हेंथाया: बियो हिन्दु, आं जाबाय खुप्टान। समाजनि नेमखौ गनायोब्ला हाबा जानो हाया। बिब्बिब्ला दया आनि ? सोर नेमखौ बाहायखो ? हारिनि गेजेराव गावस्रानायखौ सोर लाबोखो ? आंनि सानाय बादि समाजआ सोलिनो हादो दाबि ? जेखि-जाया नोंसोर हौवा मानसि, ईश्वरनि फिसा नोंसोर एसेआवनो मानो नाभास जायो ?

हिनजावफ्रा जेरै खोथानि रस फुन्नानै फुस्लायनो गोरों, बेबायदिनो थास्लिमनोबो गोरोंथार। आरो नाभ ! नाभआ आंनिआ बेसेबा सिगाडवनो बायखांवाय। बुंनानै जयन्तआ फरायसालिनि गाहाय फोरोंगिरि थाप्राथिं बं-बं ओंखार लाडे। मानो ? उनाव खौरं मोनदो- जयन्तआ साखिखौ एंगारबाय। साखिखौ एंगारनायल' नडा, सानैसोनि उनाव जयन्तआ जायगाखौनो अरायनि थाखाय नागारलांदो। मासिनाया बै दिन खालिनो नआव थांफिनदो। नाथाय बेफोर एसेबां मानि सान्नांगो बाथ्रा नडमोन। नाथाय बिखा खामथाव थाव बाथ्राया- जयन्त थांनायनि उनाव अनजालिआ फासि नांनाय थैदो। थफेना बाथ्राखौ बुजिनो हाया-हाया जायो। मुलुगखौनो बियो आनदलेद नुयो। बिन खुगायाव माखासे सोदोबफ्रा ओरैनो ओंखारबाय थायो। गोमोथाव ! संसारनि मानसिफ्रा गोमोथाव। संसाराव दं ईश्वरनि फिसा आरो मानसिनि फिसा। सोर मानसिनि फिसा आरो सोर ईश्वरनि फिसा ? सिमाडव नुनाय जाथाय फोरा बेफोरनो नडमोन ? जयन्तनो फोरमायनाय जायखिसै-नाथाय सिमांनि बाथ्राफोरखौ।

ब्रह्मस-टारपीडिनीफ्राय लानानै इन्डियान नेभिआ गोखों हाथियार मोन्नो थांगासिनो

गोदान दिल्ली, 25 डिसेम्बर: लैथोआव भारतनि गोहोआ आरोबाव बांवावनो थांगासिनो दड। भारतआ दैयाव सुथुरफोरनि मोनफ्रोमबो गाज्रि खामानिखी साबजाथाव लामाजों फिनाय होनो हागोन। मंगलबाराव हादरनि स्टेल्थ गाइडेड मिसाइल फोजोबसांग्रा आइएनएस इम्फालखौ दै सान्थि हान्जायाव सोफादेरनाय जागोन। बेयो हा बाहागोनफ्राय ब्रह्मस मिसाइलजों सुजुजानाय। भारत लैथोमायाव चीननि बांलांनय हाबाफारिफोरनि गेजेराव आइएनएस इम्फालआ भारतनि लैथोआरि गोहोखौ आरोबाव गोखों खालामगोन। बेयो सान्जा भारतनि मोनसे सहरनि मुं' दोनजानाय गिबिसिन दावहानि जाहाज। हादरगिरिया एप्रिल 2019 मायथाइयाव बेखौ गनायथि होदोंमोन। मावख'गिरिफोरा बुंदोंदि, रैखाथि मन्थि राजनाथ सिंहनि नुजाथिनायाव मुम्बाइनि नेभाल डक्याडआव मोनसे फोर्बोंआव दावहानि जाहाजखौ हाथियार गोहोआव कमीशन खालामनाय जागोन। बिथाड बुंदोंमोनदि, जाहाजनि मुं'खौ मणिपुरनि राजथावननि मुडव दोन्नाया हायु'आरि रैखाथि आरो जौगानायनि थाखाय सा-सान्जा ओन्सोलनि गोनाथिखौ



दिन्थियो। बे जाहाजनि लिरथाया 7,400 टन आरो बेनि गासै लावथाइया 164 मिटर। बेयो हा बाहागोनफ्राय बिखंसिम मिसाइलफोर आरो जाहाज-फोजोबसांग्रा मिसाइलफोर आरो टारपीडफोरजों बानायजानाय। जाहाज गाथोन आरो लैथो मोन्नैयावबो आन्जाद नायखानायनि उनाव आइएनएस इम्फालखौ 20 अक्टबराव भारतयारि नेभिनो गथायना होनाय जादोंमोन। बेनि उनाव जाहाजआ थानाय दानाव सुपारसनिक ब्रह्मस मिसाइलखौ जाफुंसार आन्जाद नायदोंमोन, जाय दै सान्थि हान्जायाव सोफादेरनायनि सिगां जायखिजाया हादरारि दावहानि जाहाजनि थाखाय बेबादि गिबिसिन आन्जाद नायनायमोन। 75 जौखोन्दो हादरारि मुवाफोरजों बानायनाय आइएनएस

इम्फालखौ भारताव बानायनाय बयनिखुइडो गोहोगोरसिन दावहानि जाहाजफोरनि गेजेराव मोनसे मानिनो हायो। लैथोनि गुथालफोराव दावगालानानै फर्ट इम्फला 30 नटनि बांसिन गोखैथिजों खारनो हायो। बेयो हा बाहागोनफ्राय बिखंसिम मिसाइल, हा बाहागोनफ्राय बारसिम मिसाइल आरो सेन्सरफोर जों रुजुजानाय। जाहाजखौ मोनसे जौगा नायदिंग्रा राडार लागायनाय जादों, जाय कामान हाथियार खांथियाव थाखिनि खौरंखौ दैथायहरो। बेयाव हादरावनो जौगाहोजानाय रकेट लन्वर, टारपीड लन्वर आरो एएसडब्लिउ हेलीकटरफोर दड। बे दावहानि जाहाजआ निडक्लियार, जिबारि आरो रासायनारि (एनबिसि)

दावहानि थासारिफोराव दावहा नांनो हायो। बेवहाय गोजौ थाखोनि गाव हारसिं आरो आन्दोनि आखुथायफोर दड जाय बेनि दावहानि गोहोखौ आरोबाव बांहोयो। इम्फाल जाहाजाव थानाय माखासे गाहाय हादरारि आगजु/खांथिफोरनि मादाव हादरारि गेजेर जांथायनि बिखनिफाय बार मिसाइल, सरफेसनिफ्राय सरफेस मिसाइल, टारपीड टयुव, एन्टी-साबमेरिन रकेट लन्वर, सुपार रेपिड गन माउन्टनि अनगगयै कम्बेट मेनेजमेन्ट सिस्टम, इन्टिग्रेटेड प्लेटफर्म मेनेजमेन्ट सिस्टम, अटमेटिक पावार मेनेजमेन्ट सिस्टम, फल्टेबल हेंगर दर, हेल' ट्रेपसिं सिस्टम, क्लज-इन हाथियार खांथि आरो थिनाय माउन्टेड सोनारखौ लाफानाय जादों।

करना जिउसाया गोखैयै गोसारदों, 24 घन्टायाव सा 656 सुबुंफोरनाव सन्देरादों

गोदान दिल्ली, 25 डिसेम्बर: करना जिउसाया फिन खेबसेबाव गोसारनो हमदों। गोदान भेरिएन्ट जेएन.1 (कभिड-19 जेएन.1) फैनायनि उनिफ्राय कभिड-19 आ लासै-लासै सुबुंफोर खौ खैफोदआव खोखलैदों। बेनि उनाव महामारिजों सन्देरजानाय सुबुंफोरनि अन्जिमाया बांगसिनो दड। हादराव करना भाइरासनि एक्विटभ केसनि अन्जिमाया बांनानै 3742 जाहैबाय। करनानि केसफोरा बांनयाजों लोगोसे सरकाराबो सांग्रां जादों आरो नेम-खांथिफोर फोसावदों। बेनि उनाव मोनसे सावरायनाय जायोदि, सन्देरनायखौ सामलायनो थाखाय फिन होवथाफिनाय जागोन ना जाया। हादर नाडैनो करना भाइरास सन्देरनायनि 656 गोदान केस मोन्नाय जादों। बेफोरनि गेजेराव बांसिन केसफोरा कभिड-19 नि करना जिउसा जे.एन.1 भेरिएन्टनि। महामारिनि जागायजे न्नायनिफ्राय सन्देरजानाय सुबुंफोरनि गासै अन्जिमाया 4.5 कौटिसिम सौहैबाय। मिर्ह सावसि बिफाननि फोरमायथिनि बायदिल्ला दासिम 4.44 लाख बेरामिफोरा कर'नानिफ्राय उदां जाबाय, जेराव 5.33 लाख



सुबुड जिउ खोमानांबाय। केरैलायाव कभिड-19 नि बयनिखुइ बांसिन केस मोन्नाय जादों। रबिबार्खालि केरैलायाव 128 केस मोन्नाय जादों। बेनि उनाव कर्नाटकआव 96 केस रैजिस्टार खालामनाय जादोंमोन। मिर्ह आरो राइज्जोफोरा गोदान जेएन.1 कभिड भेरिएन्टनि सायाव जिंजा सिदों। बे गोदान रोखोमनि केसफोरखौ खालि भारतआव' नड सिंगापूर आरो ईलेन्ड बायदि गुबुन हादरफोराबो मोन्नाय जादों। महाराष्ट्रआव रबिबार्खालि करना जिउसाजों सन्देरजानाय सा 50 गोदान केस मोन्नाय जादों। बेजों लोगोसे महामारिनि गोसारनायनि उनाव सन्देरजानाय सुबुंफोरनि गासै अन्जिमाया बांनानै 81,72,135 जाहैबाय। सानफ्रोमबोनि रिपट'खौ फोसावाननै सावसि बिफाना बुंदोंदि, गोदान केसफोरनि गेजेराव मोन 9 आ जेएन.1 जों सोमोन्दो गोनां। बेजों लोगोसे राइज्जोआव बे गोदान रोखोमजों सोमोन्दो थानाय केसफोरनि

अन्जिमाया बांनानै सा 10 जाबाय। रिपटनि बायदिल्ला, जेएन.1 बेरामिफोरनि गेजेराव ठाणे सहोनिफ्राय सा 5, पुणे सहरनिफ्राय सा 2 आरो पुणे जिल्ला, अक्'ला नोगोर आरो सिंधुदुर्ग जिल्लानि गांमियारि ओन्सोलनिफ्राय सासे-सासे दड। पुणेनि सासे बेरामिया आमेरिकायाव दावबायनायनि थियारि खालामदोंमोन। बुलेटिनआव बुंनाय जादोंदि, जेएन.1 नि गासैबो बेरामिफोरा सन्देरनायनिफ्राय उदां जाबाय। राजस्थानाव सनिबार्खालि करना जिउसांनि गोदानै सा 6 केस मोन्नाय जादों। बयनिखुइ बांसिन केसआ राजथावनि जयपुराव थिसनजानाय जादोंमोन, जेराव सा 7 सन्देरजानाय बेरामिफोर मोन्नाय जादोंमोन। बेनि अनगगयैबो, अलवर, दौसा, क'टा, सवाइ माधपुरआव मोनसेयै केस मोन्नाय जादोंमोन। बिनि उनाव राइज्जोआव करनानि एक्विटभ केसनि अन्जिमाया बांनानै सा 20 जाबाय। रबिबाराव गासै 722 सुबुंफोरनि सेम्पल लानाय जादोंमोन, जायनि गेजेराव सा 11 सुबुंफोरखौ सन्देरनाय मोन्नाय जादोंमोन। उत्तर प्रदेशआव दासिम करनानि सा 10 एक्विटभ केस मोन्नाय जादों। इडिप सावसि बिफाननि रिपटनि बायदिल्ला, गांजियाबादआव बयनिखुइ बांसिन मोन 3 केस मोन्नाय जादों। बेनि अनगगयैबो, कभिडनि 2 एक्विटभ केस सम्भलआव आरो लखनौआव, गौतम बुद्ध नगर, बुलंदशहर आरो प्रयागराजआव सासे-सासे। छत्तीसगढ़आवबो फिन खेबसेबाव करनाया गोसारदों। बेयाव थांनाय 24 घन्टायाव करनानि साथाम गोदान बेरामिनि सिनायथि मोन्नाय जादों। कभिड बेरामिफोरनि गासै अन्जिमाया बांनानै सा 8 जाबाय। गोदान बेरामिफोरनि गेजेराव सा 2 रायपुरनि आरो सासेआ दुर्गनि। राइज्जोआव पजिडिभिटि हारआ 0.20 जौखोन्दो। राइज्जोआव करनाजों जुजिनो थाखाय सांग्रां जादों आरो देहा फाहामसालिफोराव नेम-खांथिफोर बाहायनाय जादों।

दिल्लीजों लोगोसे मोन 12 राइज्जोआव रोजा खुवा आरो गोजानआव नुनो मोन्नाय रेन्जआ लाथिख 'आव सौहैदों

गोदान दिल्ली, 25 डिसेम्बर: समबारखालि फुडव दिल्ली, हरियाणा, पान्जाबजों लोगोसे सा-भारतनि गोबां राइज्जोफोराव रोजा खुवा खुनाय नुनो मोन्दों। बोथोर बिगियान बिफाना बुंदोंमोनदि, पान्जाबनि अमृतसर आरो पाटियालायाव 0, चन्डीगढ़ (पालम) आव 0, दिल्ली समबारखालि फुनि 5.30 रिंगायाव पान्जाब, दिल्ली, सोनाब राजस्थान, सोनाब मध्य प्रदेशनि गुबुन-गुबुन ओन्सोलफोराव जोबोद रोजा खुवा नुनो मोन्दों। सान्जा उत्तर प्रदेशनि गुबुन-गुबुन ओन्सोलफोराव गेजेरनिफ्राय रोजा खुवा खुनाय नुनो मोन्नाय जादों आरो चन्डीगढ़, सोनाब इडिप, सान्जा मध्य प्रदेश, बिहार, उरिष्वा, विदर्भनि गुबुन गुबुन ओन्सोलफोराव एसे खुवा खुनाय नुनो मोन्नाय जादों। बोथोर बिगियान बिफाना एक्स हेन्डेलाव होनाय खौरांनि बायदिल्ला, दिनें फुनि 5.30 रिंगायाव दिल्ली आइजिआइ बिख' गाथोनाव 0 भिजिबिलिटी नुनो मोन्नाय

जादों। बेनि अनगगयैबो दिल्लीनि गोबां ओन्सोलफोराव रोजा खुवाया साग्लोबदोंमोन। बोथोर बिगियान बिफाना बुंदोंमोनदि, पान्जाबनि अमृतसर आरो पाटियालायाव 0, चन्डीगढ़ (पालम) आव 0, दिल्ली (सफदरजं)-200, राजस्थान गंगानगर 0, बिकानेर- 200, चुरू आरो जैसलमेर- 500, अजमेर- 200 आरो झान्सीआव 500 मिटर नुनो मोन्नाय जादों। बेनि अनगगयैबो सान्जा इडिप बाराणसीआव-200, लक्षनौ- 500, ग्वालियर-0, सतना- 500, पटना आरो पुर्णिया-500, उरियायाव झरसुगुआ आरो पुरी- 500; नागपुराव 500 मिटर नुनो मोन्नाय जादों। मंगलबारावबो बेफोर गासैबो जायगाफोराव रोजा खुवा खुगोन। मणिपुर, आसाम, मिजराम, मेघालय, नागालेन्ड आरो त्रिपुरायावबो रोजा खुवाया सोलिबाय थादों। बोथोर बिगियान बिफाना बुंदोंदि, पान्जाब, हरियाणा-चन्डीगढ़-



दिल्ली आरो सोनाब उत्तर प्रदेशआव बाडयसिन बिदुड 6-9 डिग्री सेल्सियासनि गेजेराव। बेनि अनगगयैबो, मध्य प्रदेश, राजस्थान, बिहार, झारखांड, छत्तीसगढ़, उरिष्वा, सोनाब-बेंगलाव बाडयसिन दुंथाया 10 डिग्री सेल्सियासनि गाहायावमोन। हरियाणा आरो पान्जाबजों लोगोसे गुबुन राइज्जोफोराव जोबोद गुसुनिफ्राय जेबो सम गैया। आइएमडिआ 25 निफ्राय 28 डिसेम्बरसिम रोजा खुवा

खुनायनि खौरां होदों। 29 दिसेम्बरनिफ्राय 30 दिसेम्बरसिम गेजेर थाखोनि खुवा खुगोन आरो बाडइसिन बिदुड माखासे डिग्री गाहायाव फै नो हागौ होन्ना बुंदों। आइएमडिआ सानाव स्त्रां खौरां जानो हागौ होन्ना बुंदों। राजस्थानाव बाडइसिन आरो बांसिन बिदुड गोजौ-गाहाय जाबाय थागोन। सीकर जिल्लानि फतेहपुरआ बाडइसिन बिदुड 4.2 डिग्री सेल्सियासजों बयनिखुइ

गुसुसिन जागोन। बे समावनो अलवरआव बाडइसिन बिदुड 5.9 डिग्री सेल्सियासिसिम जादोंमोन। बोथोर बिगियान बिफाननि बुं'थिगिरिया बुंदोंमोनदि, फैगौ सान्ने-सान्थामनि गेजेराव राइज्जोनि सा आरो सान्जा बाहागोफोराव गुबुन-गुबुन जायगाफोराव रोजा खुवा खुनायनि आसा दं आरो बाडइसिन बिदुडबो एसे गाहायाव फैगोन।



बरदिननि समाव मणिपुरआव दुखुनि थासारि नुनो मोन्दों

इम्फल, 25 डिसेम्बर: बरदिनआ सा-सान्जानि बयनिखुइ देरसिन फोर्बोंफोरनि गेजेराव मोनसे बेयो गासैबो थाखोनि सुबुंफोरनि थाखाय मोनसे रंजाथाव फालिथाय मानोना बिसोरो ज' जायो आरो फोर्बोंनि फालिथाइखौ देंखो, समायना जामुं आरो गोबां रंजानायजों फालियो। नाथाय बे खेबाव मणिपुरनि सोमोन्दै बेखौनो बुंनो हाया। मणिपुराव बे बोसोरनि बरदिनखौ दुखु नांथाव थासारियाव नुनो मोन्दों, जेराव दुखुआ सोरगिदि थाबाय थायो। बे बोसोरनि जागायजे न्नायनिफ्राय राइज्जोआव जानाय हरियारि दाखबाजिआ दासिमबो जोबनानै थाडैनि जाहोना सुबुंफोरनि

गोसोखौ गाज्रि खालामदों। जेराव मोनसे समाव चुराचन्दपुर बायदि सहरफोरनि न'फोर आरो लामाफोराव साजायनायखौ नुनो मोनोमोन, आंथिखालाव बिबार आरो साजायनाया हरियारि हिंसांनि बोलि जानानायफेरनि सुबुंफोरनि गोथै हाखरफोरखौ समायना खालामगासिनो दड। गोर्बांसिन कुकौ सुबुंफोरा बरदिननि मोगा-मोगि जागासिनो दं जेरै बिसोरो गावसोरनि गोमानाय आंगोफोरनि थाखाय लुबैबाय थायो। 20 दिसेम्बराव चुराचान्दपुराव हरियारि दाखबाजिनि बोलि जानानायफेरनि थाखाय मोनसे जयै फबनाय जादोंमोन। बै सानखालि गासै 87 गोथै सह'फोरखौ फबनाय जादोंमोन जाय गोथै सहआ गोप्लैना दमोन।

रासियाआ इडुकेनाव बमा गावनायाव सा 6 सुबुंनि जिउ ख 'हा आरो गोबां बिलिडंफोरनि ख 'हा जादों

मस्क, 25 डिसेम्बर: रासिया-इडुकेन दावहानि गेजेराव इडुकेनाव सा 6 नोगोरारिफोरा जिउ खोमानांबाय। इडुकेननि मावख'गिरिफोरा बुंदोंदि, रबिबाराव खोला इडुकेननि खेरसन ओनसोलाव सा 5 नोगोरारिफोर आरो सान्जयारि नोगोर हलिं'बकायाव सासे नोगोरारिफोर थैदों। खौरां एजेन्सि रयटर्सआ इडुकेननि मावख'गिरिफोरखौ बुंदोंदि, थांनय 24 घन्टानि गेजेराव रासियाआ खेरसन आरो हलिं'बकाखौ गाग्लोबदोंमोन। बे गाग्लोबनायाव खेरसनआव



मोनसे बिलिडं आरो न'आ ख 'हा जादों, जेराव साथाम सुबुंफोरनि जिउ गोमादोंमोन। पुलिसआ बुंदोंदि, खेरसननि खोलाहा इन गाग्लोबनायाव सासे आइजोआ जिउ गोमायो आरो गुबुन सासे आइजोआ गोबां गुलि गावनायाव

जिउ गोमायो। खेरसन ओनसोलारि रैनिया खुंथायनि प्रे स मावख'नि गाहाय अले कसन्दर। बुंदोंदि, गाग्लोबनायनि जाहोनाव गेस आरो दैनि जगायनाया खावसे बन्द' जादों। बिथाड

कलकातायाव 1 लाख सुबुंफोरा जयै गीता फरायगोन, गाहाइ मन्थि मदिआ एक्सआव हामब्लायथि बाउहरदों

कलकाता, 25 डिसेम्बर: रबिबार्खालि कलकातानि ब्रिगड पेरेड ग्राउन्डआव गीता जयन्तीखौ फालिनो थाखाय गोबां बिबानि गीता आवरायनाय 'लोकखो कान्थे गीता पाठ' खुनाय जादों। पिपम मदिआ बे हाबाफारिनि सोमोन्दै सुबुंफोरनो मोनसे लाइजाम लिरदों। बे हाबाफारियाव 1 लाखनि बांसिन सुबुंफोरा जयै गीता फरायगोन। पेरेड ग्राउन्डआव जानो गोनां बे हाबाफारियाव गाहाय आलासि महरै गाहाइ मन्थि मदिखौ हांखायहरनाय जादोंमोन नाथाय माखासे समनि सिगांनिफ्रायनो थिखानाय हाबाफारिनि जाहोनाव बिथाड बे हाबाफारियाव सौफैयाखै। बबेखानि बिथाड सुबुंफोरनो गावनि जर 'खा लाइजाम लिरदों। बे लाइजामआव पिपम मदिआ लिरदोंदि, 1 लाख सुबुंफोरखौ गीता फरायनो थांथि लानाय हाबाफारिया थारैनो बांखायजाथाव। बे हाबाफारिखौ अखिल भारतीय संस्कृत परिषद आरो मतीलाल भारत तिर्थ सेवा मिशनाआ खुंदों, जेराव 1 लाखसो सुबुंफोरा जयै गीता फरायगोन। बे हाबाफारियाव बाहागो लानो थाखाय हादर आरो मुल्गनि 300 नि बांसिन सन्यासिफोरा कलकातायाव सौफैबाय। बबेखानि गाहाय मन्थि नरेन्द्र मदिआ हाबाफारियाव गाहाइ आलासि महरै फेनांगोमोन नाथाय बिथाड



फेनाय नड। सोनाब बेंगलनि राइज्जो बेंगिरि सिधि आनन्द ब'स, गिबि मन्थि ममता बेनार्जी आरो राइज्जोनि गुबुन मुंदांखा सुबुंफोरखौबो बे हाबाफारियाव बाहागो लानो थाखाय हांखायहरनाय जादों। मख'नो गोनांदि, श्रीमद भगवत गीताया मोनसे मोखथाडरि लामा दिन्थिगिरि, जाय गोबां गियान होयो आरो मोनसे ओंथिगोनां जिउ दैदेननायनि लामाखौ दिन्थियो। बेयो जिउनि जेनाफोरजों मोगा-मोगि जानो थाखाय गांसे बिजाब महरैबो मिथिनाय जायो। गीताजों थांथि देखांजानाय लामाफोरनि गोबां अनजिमाया भारतयारि सान्थी आरो हरिमुनि थाखाय गोनांथार।

बीरबलनि सल'बाया

-देववार रामसियारी

सोलोनि आनजाद

फारसेथिं जेरै बीरबलआ सम्राट आकबरनि मन्थि गुबुन फारसेथिं बियो सम्राटनि मानाव गेदेरबोमोन। बिन मुंआ जेरावबो गोसारदोंमोन। बिन सोलो आरो रंगौथिनि खोथाया बै टुरस्कनि सुलटाननि खोमायावबो गोगलैहैदोंमोन। सुलटानआ बीरबलखौ नायनो जोबोर लुबैदोंमोन नाथाय बायदि जाहोनाव भारतसिम फैनानै बीरबलखौ नायफैनो हायाखैमोन। टुरस्कनि सुलटान आरो दिल्लीनि सम्राट आकबरआ जोबोर लोगोमोन। बियो बीरबलखौ हेंहरनानै बुंबाय-बीरबल। आनि लोगो टुरस्कनि सुलटानआ नोंखौ बिन हादोरसिम लेंहरदों, बेनिखायनो नों थानो थाखाय थियारि जाबाय।

सम्राट आकबरनि खोथा बादिथै मोजां सान नाथै-

ज'ग्रा मासिया लांदां जानानै दंमोन। सुलटानआ बिदि खाला मनायाव 'महाराजा! आं बे राजआफादआ हाबफैनानैनो नोजोर होदोंमोन- 'गासैबो मानसिया नोंथानि फारसे नाइहरदों आरो नोंथाड नाइहरदों राजआफादनि गाहाय दरजानि मोखांसिम। होमब्लानो आं हमनो हादोंमोनदि-नोंथाड आनि सोलोखौ आनजाद नाइदों। बेनिखायनो नोंथांखौ सिनाय मोननायाव आंहा जेबो बेखाबु जायाखैमोन।

सुलटानआ बीरबलनि सोलोखौ बाखनायदोंमोन। गासैबो मानसिया बीरबलखौ जैधोनि होदोंमोन। फ्राय मास मोनसेसो सम बीरबलआ तुरस्क'नि सुलटाननि आलासि जादोंमोन। बिन सोलो आरो गियाननि खोथाया गासै बुहु मावनो गोसारदोंमोन।

रंजालि गथ'फोरनि सौरा

सोर नोडे ?

दिरंजों खाना लाखिनो हाया हाया जिन्जिरिजोंबो , दावबाय बायो मिथिगानि सेर सेर हाजो हाला बिलो डबा दैमा दैसा दान्दिसेआवनो सौहैयो ?

आय' - - एथ'ग्राव मानो आब्रा - - रिमिन्दला - - फिस्लाय लाडे , हाया आखाइजों हमथाना लाखिनो लाउमनि ख'ना खनला दाउफोर बादि उदां गोसोयै उराइ लाडे ।

गजल खन्थाइ

नंगौ खन्थाइ रेबनाय आरो मेथाइ खन्नाय

सुबुं जिउवाव गोजोननि इंख' बिलायनाय

आरोबाव जिर जिरि जिंगायाबो गोजान जायो अराय

नायथायनाय फै बयबो खन्थाइ रेबना मेथाइ खनना गोरबोखौ थाजिमै लाखिनो थाखाय

-दैदोम बर', माजदिया, बगुलामारि, बाक्स

जिउनि अनजालु

नों आनि जिउनि मोदायजो अनजालु मोजां मोनदोंमोन आं नोंखौल अनजालु सानाखैमोन आं नोंखौ बिब्दि जागोन होना। अरायबो सानो आं नोंखौ आंगो बावनो हाया आं नोंनि अन्नाय । जाखां फैयो सिमां मोकथां जेब्लाबो नोंनि महाराल' अनजालु नुफा-माफा, जोंदि सानैजों बेसेबां मोजां मोनलायोमोन आरो बेसेबां अनलायमोन आंगोनि साननानै । आनि गोसोखौ उसाव-बादाव खालामबाय थाफैयो नों अनजालुआ, नोंनि अननायखौ बोरै बावनो हाबावनो आं अनजालु सिमां मोकथां जाखां फैयो नोंनि महर । बुजिसनो हायासै आं अनजालु मानि थाखाय नों आंखौ मानो बावगार लांखो । गोरोन्थिआ आनि नडा अनजालु नोंनिसो गोसोखांब्ला फागिल बायदि जायो आं अनजालु आनि बे हास्थायनाय गोसोआ आनि जिउनि मोदायजो अनजालु ।

मिस सानसुलि बसुमतारी जाइनारि गोजौ फरायसालि गामि-गारागुरि जिल्ला- कक्राझार बितिस् आसाम

बावनो हाया

मिथिगानि बे बुहुम बिखायाव नोंनि हाइलोलो महरखौ नुनानै, आं माबोरै बावनो हानो, नोंनि बे फेल्लेबसे अन्नायावो आनि गोसोखौ खामगिल होबाय, आय' सिख्ला सोर नों ? नुहां-नुवाहां बरे सिखिरिफोर बायदि हाइला-हुइला मोसाफैयो नों आनि बिखा गोरबोयाव । गोसो सिनि दावहाथिलियाव नोंनि बे मोजोमसे अन्नाय, आनि बे गोसो गोरबोयाव दान्दिसेनि थाखायब्लाबो नोंनि बे अन्नायखौ बावनो सानब्लाबो बावनो हायाखै आनि बे जिउखौ फैमाल दाखालाम नों । माबायदि बिष सोनानै होलांखो आनि बे गोसो गोरबोयाव सहायनो हायाखिसै आं नोंनि बे फेल्लेबसे अन्नायखौ आय' सिख्ला सोर नों ?

मुस्रि गुथाल बर' दतमा गोजौसिन फरायसालि

फरायसुला आं

मुस्रि पवन ब्रह्म

फरायसा जीउ आं बे बुब्लिआव नडा रंजानायनि बे मुलुगाव । थांखि दड आंहाबो बे उजिआव जीउखौ लानानै सोरां खालामनायनि । मैयासो गोरलैमोन आं-दिनै जाबाय आंबो अनसुला फरायसुला । गोदोसोना थानाय बर' हारिखौ' फरायसा जाना बोखांफिननो आंबो थियारी । गोसोनि आयनायाव, बोनाय सावगारी जाफुंगोन दा बियो सानसे आं बुंस' हाया । गोसोनि मन्दिराव बारनाय बिबारा, गेवलांगोन दा बियो सानसे आं बुंस' हाया । बर' आ हारिखौ सिनायनो रोडबोला बर' बिमानि रावखौ लाया बोला-बे बुहुमाव जों खौसे जायाब्ला जों अराय आनदाय नांगोन ।

बिग्रायारि

नै बिग्रायारि सुबुंफोर अराय दिन दागेलेसै नोंसोर, गोसोम गोसोनि साननायजों समाजखौ खोमसि खालामनो दानाजासै । नाजादो गोसोम गोसोखौ नेवसिना, जुनाद आखुनि सुबुंफोरखौ खारहोना, गाव गावनि गुन गोनां आखुजों दोबैलांनय समाजखौ गोखोडै दाफिनदो । नै बिग्रायारि सुबुंफोर खौसेयै बिग्रायखांदों बयबो हादरनि उदांसि लाबोनो हारिनि सिनसिखौ गोखोडै दानो ।

-पबित्र ब्रत दैमारी ग'लाघाट

मुस्रि दौलिं ब्रह्म दतमा गोजौसिन हौवासा फरायसालि थाखो-जि (10) गामि-दतमा, श्यामधरपारा

बादारी

मेंसुला आय' नोडे बादारी खानानै नाव माथो दड नोडे उन्दुनानै ! सिखांदो बादारी, सिखांदो नोडे, मेंसुला नोंहादि साना गैलिया । बिरबोगौ जोमैया खोमसिया साग्लोब बोगौ । सिखांदो उन्दुनो समा गैलिया । नुदों नोडे आय' गाथोन सेराव, गोमोहाब गोसोजों सिमां बेसे, नाथाय हालिया, जानाय नॅलिया सिखांदो उन्दुनो समा गैलिया । फोजा खांदो फोरजा फिसाफोरखौ जिउखौ गथायना बारसोमहैदो दाफासय सुथुरखौ नुनानै, सोमखे दाखालाम बर' बिमाखौ सिखांदो बादारी उन्दुनो नोंहा सम गैलिया ।

सोमखोर बसुमतारी हेल अन्थायबारि गोजौ फरायसालि गामि: धहोनगुरि जिल्ला: कक्राझार ।

रजेनि सावगारि

आनि गोसो बल बामआव नों बारसे गलाप बिबार थारै सान अखाफोर आरो बैसोमुथिजों रुजुयोब्ला नुवा जेबो फाराग । रजे !..... नों आंगोनिबो आंगो बेयोदि आंनिल' नडा बयनिबो समायना बुहुम बिखायाव सोरजनि..... नों सुखु-दुखुनि थान्दै, सोमखोर गोथां मेगननि हाबिलायाव थारैनो होबोदों नों आंनो मिलौहाब बरे बिदै रैसुमै खहाब । रजे..... जिउनि जोबनो गैयै आगानाव गोजान खाथि हांखायो दुखु-हांमा हांसानि समाव दान्दिसे मोन्नो हास्थायो । रजे..... थाफै नों जेरावखि जाया था नुफा-माफा साया-माया मिथिगा बिखायाव सान-अखाफोर हाथरिखै-हालाफोरा जेरै रंगिना आबिरखौ सारफावदों रजे था दिदोम नोंबो अराय सम मिथिगानि आन्दोयाव ।

कमल मुछाहारी गामि: खुंघ्रिं ला:सो: खुंघ्रिं जिल्ला: चिरां

जखाइसे लिमारिक

- (1) जॉनि गामिनि सेंग्रा खावब्लाफोर बिसरो नायो खालि सिख्लाफोर । क्लास लादों फोरोंगिरिआ, नायहरदों सिख्लाफोरखौ फरायसाफ्रा, बिबायदिनो जाबाय दानि फरायसाफ्रा ।
- (2) दानि जुगनि सेंग्रा माखा सिख्ला बासिनायावबा आखा-फाखा सेंग्रा बैसोआवनो हाबालादों गावनि लोगोफोरा नुब्लाथाय बोरायसो होनसै बेबादिनो जाबाय खामानि-दामानिआव आसखान्दा ।
- (3) कक्राझार सहरनि आगै फांदां नोंखौ मोन्नाने आंहा लांदां सिख्ला सासे बारग होनो हाला बिमा थैब्ला होनसै बारगबाय साला दानिया आमो खिखौ मोनसै गोसोजों लांरां ।
- (4) आजिखालिनि सिख्ला माखासे लोगोआव जेब्लाबो मबाइल गंसे बिमा-बिफाफ्रा खलेज फरायनो थिनहरदों फिसाजोफ्रा हजों सेंग्राफोरजोंसो दोनखारलां जादों बिदिखायनो हिन्जावखौ लानो बालायबाय खायसे ।

मुस्रि सानसुला ब्रह्म दतमा गोजौसिन फरायसालि गामि - भालुकमारि ।

हावरिया खाफाल

आय जिउ नोंनि बेसेबा दुखु-दाहा हांमा बुंस' हाया फोरमायस' हाया नोंनि जिउ दैथुनखौ । हास्थायनाय दंमोन नोंहाबो दिनैनि मुलुगुआव आगान सुरलांनो मिजिक दंमोन नोंहाबो गंसे दिडा जावलांनयनि, नाथाय गैया दिनै... आगोनफ्रोम दुखुनि फाखनाव गिदिंनबाय मिजिकखौ लानानै आलाइ-सिलाइ । नागिर बायो नों गुबुननि साया गैया नाथाय नोंजों लोगोयाव मोनाखैसै नों सुखुनि देखो खुसिनि मेथाइ, खालि नुबाय नों गावजों गाव नासयनाय, मुगैलायनाय गावनाय दुखु दाहानिल' देखो ।

जनन कुमार बसुमतारी गामि: सा थाइगिरगुरी(खुंघ्रिं) ।

हाजोआरि सल’ (गथ’फोरनि सल’)
गुबै : रमा दास
रा:सो: सुरज बसुमतारी

दावफोरनि मोदोम गाथआ माथोरै आलादा आलादा जाखौं?

गोदोन सानावनो मोनसे दैमानि चाफरिआव मासे दावस्रि आरो मासे थिकथिखाया ओरैनो जंखायलायबाय थादोंमोनो। दावस्रि दावआ थिकथिखाखौ मोनसे समाव गेलेनायनि मुडैनो नारख्त्तैनै खोख्त्तैयो। बे बादि खालामनायखौ नुनारै, थिकथिखाय गोसोजों गोसो जोबोद लाजिनाय मोनो आरो लाजिनाय जौंनो दावस्रि दावखौ बुडे।

–सखि ! नों आंखौ मानो बेबायदि लाजिफोनांखो ? सानदों नामा दि बे बुहुमाव आ जोबोद हासिंथार आरो आंहा बाहाय बाहागि बुंनो रावबोआनो गैया ? खोथाखौ खोनानानै दावस्रिदावआबो रागा जोंखाडे आरो रागाजों बिबो बुडे, –नों बांद्राय थिफुद्ला दामिन्थिखा। नोंहाल’ नड, आंहाबो बाहाय बाहागिफोर दङ्। जुदि थारैनो नों जुजिनो

नागिरमारदोब्ला नॉनि बाहागिफोरखौ लिंनानै लाबोदो आरो आंबो आंनि बाहागिफोरखौ लिंथुमनानै लायदिनि। बिब्दिब्ला दिनै जुजिनानै नायथारनोसै। नायनि, सोर जेनो सोर देरहायो ? खोथानि जोबथारनायाव दावस्रि आरो थिकथिखाय मानैबो फाँरै थिंजाय गावसिनि आलासि उलासि आरो बाहाय–बाहागिफोरखौ लिंनो थाडे। आरो नायनायावनो नायनायावनो बै फैलाव चाफरिआ मोननैबो दोलोनि बेसेबा गेदेर थुवुरजों आबुंजायो। फासँथिंजाय दावस्रिजों दंफायोमोन अखाडव बिरबायबायनाय बाइदि रोखोमनि दावफोर जैरै दावखा, चित्ला, मैना आरो सिगुन।

आरो गुबुनथिंजाय थिकखिजों दंफायोमोन बिखाजों दुदुलांग्रा जिबिफोर जैरै अजगर जिबौ, फिटिगम, थै सिल’रा, मोफौं,

आरो गोबां। नायनायावनो नायनायावनो बै साफरिआ मोननैबो हान्जानि गेजेराव मोनसे बेसेबा गेदेरथार होखां होसि, सौलायनाय आरो मेरायनाय फानब्रेलायनाय जागायजेनो। माब्त्ताबा माफा माफा दावफ्रा गाहाय फासँ ओंखारबोयो आरो जिबौनि दोलोनि सोरखौंबा जेन’ सौनो हेसिंलाडे। आरो माब्त्ताबा जिबौनि दोलोनि बबेबा मासेआ बे बादियैनो गोजौफासँ बारखानानै दाव हान्जानि बबेबा मासेखौ आधिखव फानब्रेनानै गाहायथिंजाय बोनानै लाबोनो नाजायो।

बे बायदियैनो दावहाया दान्दिसे सम सोलिनायन उनाव, दाव हान्जानि सानथ्रि गाहायआ जिबौं हान्जानि सानथ्रि गाहाय अजगर जिबौखौ खेबसेआवनो गोजौ फासँ बोगदाव लाडे आरो हाजो थिखि सयाव खोख्त्तैयो। बेंखौंनो नुनारै

(▣ 1 बिलाइनिफ्राय)

भारत रत्न अटल बिहारी बाजपयीनि मुसुखा लुनायनि अन्थाय खाम्फा गायसन्दों

गिबि मन्थ्रिआ बुडे, हादतआव गाहाम खुंथाय गायसन्नायनि बिथिखव बारग’ गाहाइ मन्थ्रि भारत रत्न अटल बिहारी बाजपेयीनि बिफावया सिमना गैयै। अटल फोथारव बारग’ गाहाइ मन्थ्रिनि मोनसे मुसुखा गायसन्नायनि खामानिया दिनैनिक्राय जागायजेन्दों आरो फँगौ बोसोरनि दिनैन सानावनो बे मुसुखाखौ बेखेवनय जागोन होन्नारै मिजिंथिनाय फोरमायनारै गिबि मन्थ्रिआ बुडेदि, अटल बिहारी बाजपेयीआ सासे गाबगोनॉ जिउनि बिगोमामोन। बिथाख बुडेदि, अटल बिहारी बाजपेयीआ सासे खन्थाइगिरि, खौरंगिरि, माहारियारि स्वयंसेबक संघनि फोसावगिरि, भारतयारि सुबुं संघनि गायसनगिरि सोद्रोमा, भारतीय जनता पार्टिनि गायसनगिबि आफादगिरि,एमपि, गुबुनारि हादतनि परिक्रमा बिफाननि मन्थ्रिनि अनगायैबो लकसभायाव बेरेखा हान्जानि दैदेनगिरिनि बिबानखौंबो बाउसोमनारै रुजुनबोंदोंमोन होन्नारै गिबि मन्थ्रिआ बुडे। बारग’ गाहाइ मन्थ्रिनि फासँ गोबॉनिफ्राय मान बाउनारै गिबि मन्थ्रिआ बुडेदि भारत बादतनि गाहाइ मन्थ्रि महरै बिथाख दस्से गोदान भारत हादतनि जारिमिन सोरजिदोंमोन। गिबि मन्थ्रि बुडेदि, बाजपेयीनि मोनफ्रोमबो बिबुंथिनि रिफिनायखौ दिनै बयबो नुनो मोन्दों। गिबि मन्थ्रिआ बुंभावोदि, भारतिय जनता पार्टिआ दानिया मुलुगानि गेजेरावनो देरसिन राजखान्थि हान्जा। गाहाइ मन्थ्रि नरेन्द्र मदिनि दैदेन्नायाव बयबो गौजाखां भात दाफुंनयनि समय खिर लादों होन्ना दाबि खालामनारै बिथाख बुडेदि, गेदेमा अटल बिहारी भाजपेइआ मोनसे गोखों बिथा गायसन्दोंमोन। फखराननि गुन्द्रासा आन्जाद खालामनाय, माहारियारि राजालामाखौं ब्रैलेननिफ्राय मोन 6 लेनसिम सोलायनायनि सिमांखौ अटल बिहारी बाजपेयीआ मोकथाडव महर होदोंमोन। कार्गिल दावबानि देरहासारनाया बिथॉनि राजखान्थियारि जिउनि मोनसे गोनांथार सममोन आरो बाजपेयीनि खुंथाय समाव सा–सान्जानि जौगाथायनि थाखाय ड’नार बिफान दाफुंदोंमोन होन्नारै बिथाख फोरमायो। लोगोसे गिबि मन्थ्रिआ बुंभावोदि, मिरुनि बाजेटआव मोनफ्रोमबो बिफानाव 10 जौखोन्दो बाजेटखौ ओन्सोलनि जौगाथायनि थाखाय थि खालामदोंमोन। गिबि मन्थ्रिआ बुंभावोदि, अटल बिहारी बाजपेयीआ आसाम आरो सा–सान्जा ओन्सोलनि फासँ अनसुलामोन। अटल बिहारी बाजपेयीआ सा–सान्जानि थाखाय जाय सिमां नुदोंमोन बे सिमांखो मेकथॉ महर होनो थाखाय गाहाइ मन्थ्रि नरेन्द्र मदिनि दैदेन्नायाव दिनै सौफेनो हादों आरो बे बिथिखव जाफुंसारनो हागोन होन्नारै बिथाख बुडे। राइज्योयारि बिजेपि दोलोनि गोदान मावखुलिखौ अटल बिहारी भाजपेइनि मुडै बाउनारै दोलोया फिन खेबसेबाव साबायख र’थिखौ फोरमान होदों होन्नारै गिबि मन्थ्रिआ बुडे। गाहाम खुंथाय सान फालिथायनि बे सानाव गिबि मन्थ्रिआ अटल बिहारी बाजपेयीनि खन्थायखौबो आवययो। दिनैनि बे हाबाफारियाव सुबुं देहा आरोंदायारि बिफाननि मन्थ्रि जयन्त मल्ल बरुवा, एमपि कुइन अजा, राइज्यो सभानि एमपि आरो गिबि मन्थ्रिनि राजखान्थियारि सेक्रेटारि पबित्र मार्रॅरिता, बिजेपि दोलोनि आफादगिरि भभेश कलिता, गुवाहाटी नोगोरमा जौगाखां बिफाननि मासिगिरि नारायन डेका आरो लेडइ मासिगिरि मुकुता डेका, बारग’ मिरुनि राइज्योयारि मन्थ्रि रजेन गहाइ, बारग’ एमपि रमेन डेका, गुवाहाटी नोगोर आफादनि मेयर मृगेन शरनिया, महाबीर स्वामीजों लोगोसे गोबां मेलेमजिबि सुबुंफोर बाहागो लायो। ▣

सा–सान्जानि राइज्योफोराव गाजा–गोमजायै वरदिन फोर्बो फालिदों

अनलायनायजों बुंफबनाय बरदिन आरो गोदान बोसोरनि बरायनाय दैथायहरदों। बिथाख बुंदोंदि, जिसुनि जोनोमआ सोमोनांथाव जाथाय बायदिनो जौंनि जिउयावबो सोमोनांथाव जाथाय लानानै फैथॉ आरो जौंनो 2024 माइथायनि मिजिंजों बुंफबनाय बोर होफैथों।

नागालेन्डनि गिबि मन्थ्रि नेपिउ रियआबो गावनि हामब्लाय रादाबजों बयनोबो बरदिननि रंजाथाव बोथोरनि हामब्लायथि बाउररो। बिथाख बरदिननि मेसेज होनारै मोजां मोन्नाय, अननायानो क्रिसमासनि खौरं लाबोयो, जाय अननाय, गोजोन, रंजनाय आरो मिजिंआ जौंनि गोसो आरो सान्नायफोरखौ आबुं खालामफैथों। बिथाख बयखौबो रैखाथि गोनं आरो गोजोन्याय क्रिसमासनि हामब्लायथि बाउररो नागालेन्डनि गिबि मन्थ्रिआ। बेराफारसे, मिजरमनि गिबि मन्थ्रि लालदुहुमायाबो गावनि हामब्लाय रादाबनि गेजेरजों बुंदों, बयखौबो अननाय आरो रंजानायनि बुंफबनाय क्रिसमासनि गाहाम हामब्लायहरबाय। बिथाख बुंभावयो जेब्लानो जों गोदान बोसोरनि खाथियाव सौहैयो, बेयो जौंनि हादतनि थाखाय गोदान मिजिं, खौसेंथि आरो जौगानायनि सम फैयो। लोगोसे फै जौं बयबो फैंबाय थानाय खानुफोरखौ बोजोबानारै लानि, लालदुहुमाया बुडे। ▣

बिषमुरि आवजारगुरिनि हिन्दु–सावथाल लेग–आसार रुखिया बाइसि गसन्थाय सान फालिदों

बाथि फोजौंनारयनि उनाव आफादगिरि फिरिफलाखौ बिरहोयो आफादगिरि जेटा हासदाया। बेनि उनाव मुंख्लंफोरसो मान बाउयो नेहाथारि कवर मादिंया।

मख’नो गोनॉदि, हिन्दु–सावथाल लेग–आसार रुखिया बाइसि आसाम मिरु आफादिनि 12 थि गायसन्थाय आरो बोसोरारि जथुम्माजों लोब्बा लाखिनारै बेलासि समाव गेवलां मेल खुंनाय जायो। सावथालफोरनि सोलिबोनाय मोसानायजों जागानायय गेवलां मेलखौं आफादगिरि मासि लानारै दैदेनो बान्जाय आफादनि नेहाथारि जयराम तुडुआ आरो गाहाइ आलासि महरै बाहागो लाफैयो कक्राझारनि बिगोमा मन्थ्रि अशक सिंहालआ। मेलयाय एमसिएलए सजल सिंह, आदिबासि जौगांखां परिषदनि गाहाइ मावफुं सोद्रोमा दुर्गा हासदा, बुंथिगिरि अशिम हासदा, राष्ट्रिय सयं सेवक संघनि ओन्सोलारि फोसावगिरि उल्लास कुलकारनिखौ लानारै गोबां सुबुंफोर बाहागो लायो। राइजो–रजाफोरखौ थॉंखिनारै मन्थ्रि सिंहालआ भारतनि गोजामसिनथार सनातनि सोलिबोनाय माझि थानसालियाव फुजा होनो आरो सिबिनो मोन्नारै गावनि जिउआ गोजेन्नाय मोन्दों होन्नारै सावथालफोर मिथिंगाखौ फुजा होनारै फैदोंमोन आरो दिनै बिगियाननि मुगायाव मिथिंगानि रैखाथि होनायखौ दिन्थिबोदों बेखायनो सनातनि धोरेमआ गोजामब्लाबो जोबोद जौंगा माननिमोन होन्नारै बुडे। आदिबासि समाजआ जौंनि सनातनि मोनसे एंगारनो हायै बाहागो होन्नारै बिसोरखौ नागरानारै जौंनि समाज दानाया माब्त्ताबाबो जाफुंनाय नड। जर’खायै सावथाल समाजआ जौंनि सोदोमस्रियाव गोबाडैनो बिहोमा होदों होन्नारै दाबि खालामो। परशुरमनि फिसा रमनि बोर मोन्नाय सावथाल, अरं आरो आदिबासि समाजआ फोथायनारै फैदों, बेखायनो बिसोरनि बे फोथायनाय आरो हारिसुआ मा रोखोमै जिउ मोन्नो हायो बेनि थाखाय जोडे नाजालांगोन।

बिथाख बिटिसिनाय गोजोन गायसनजाबाय गोजोननि उनाव जौगाखॉनारयनि दावबायनायाबो जागायबाय होन्नारै गोख्यैयै सावथाल आरो आदिबासिफोरनो हानि पाट्टा गथायनाय जागोन होन्नारै बुडे। कंग्रेसआ गाबोन चापरनिफ्राय हान्जा सुरनाय हाबाफारनि सोमोन्दै बिथाख कंग्रेसखौ दा समाव सालियै नट होन्नारै कंग्रेसनि दखानाव सासेबो थॉलिया होन्नारै एदावयो। बेराफारसे आदिबासि जौगाखॉ परिषदनि गाहाइ सोद्रोमा दुर्गा हासदाया फँगौ लकसभा बिसायख थिंयाव बिजेपिजों थागोन होन्नारै रोखा खालामो।▣

(▣ 1 बिलाइनिफ्राय)

कक्राझारआवबो गाहाम खुंथाय सान फालिदों

ओन्सोलनि समाज सिबियारि आरो खौरंगिरि मलया डेकाआ रंसारि गाहाइ मन्थ्रिनि खामानि मावलांनायनि सायाव गुवारै बिबुंथि होयो। बे हाबाफारियाव रंसारि गाहाइ मन्थ्रिनि सावगारियाव आलारि बाथि फोजैडै बैसो गोर आइजो रत्ना मन्दलआ आरो बे हाबाफारिखौ सामब्लायो बिजेपिनि गागि दैदेनगिरि दिपालि रायआ।▣

बिटिआरनि गाहाइ प्रमद वर’आ भारत रत्न अटल बिहारि ...

राइज्योजों लोगोसे बिटिआर हालामनिफ्रायबो एनडिए सरकारजों थाफानाय गासै राजखान्थि दोलोफोरनिफ्राय बाहागो लानो थाखाय हांग्रायहरदों। बे हिसाबै बिटिआरनिफ्राय इडंपिपिएल दोलोनि जानारै बिटिआरनि गाहाइ मावफुं सोद्रोमा प्रमद वर’आ बे हाबाफारियाव बाहागो लाहैनारै अटल बिहारि बाजपेयीनो मानबाउहैयो। दिनैनि बे हाबाफारियाव बाहागो लाहैनो मोन्नारै गावखौनो खाफाल गोनं आरो गोजेन्नाय मोन्नायखौ फोरमायो बिटिआरनि गाहाइ खुंगिरि प्रमद वर’आ।▣

खड्गोनि सायाव गोखों अजद, नितिशा गावनि थिरांथाखौ ...

कुमारआ। खौरं बिजॉनि सिगाडव बिथाख बुडेदि, बेखौ लानारै बिथाख गोनो–गोथो जायाखै। जुथाय हान्जआया जाय थॉंखिखौ लागोन बेजोंनो नितिशाबो थाफागोन।

मख’नो गोनॉदि, इन्डिया ब्लक दाफुंनाय बेलायाव नितिश कुमार आरो ममता बेनारजौंनि गिट्रि बिहोमा दड्। राजखान्थि बिजिरिगिरिफोर सान्नाय बायदियै रहुल गान्थौखौ होबथानारै दोन्नो थाखायनो माल्लिकार्जुन खड्गेनि मुंखौ गाहाइ मन्थ्रि बिजाथिनि थाखाय थॉंखि लाबेदोंमोन। थंनाय आगस्ट दानाव नितिशाआ इन्डिया ब्लकनि लिंथुमगिरि जानायनि गोसो गैया होन्नारै फोरमायदों। सोरबा सासेनि थॉंखिखौ जाफुंहोनो बिथाख बेरेखा हान्जानि खौसेंथिखौ सिमफायनो सानाखै होन्नारैबो बुडे। राजखान्थि फोथारनि खौरं बायदियै इन्डिया ब्लकनि गाहाइ मन्थ्रि मासिनि बिजाथि फोसावनायनि उनाव नितिशाआ बोरबनारै थानाय नितिशनो फन खालामनायनि खौरंबो फोरमायो। बिसोरनि गेजेराव मा बाश्रा सावरायनाय जादोंमोन बेखौ मिबथिनो मोन्नाय जायाखै। नाथाय ब्लकनि मेल लिंनारै मासि रानलायनायनि जेबो थिरांथायाव फैनो हायैखौबो फोरमायनाय जादों। गुबैयै बेरेखा दोलोनि गेजेराव गोरोब्लायेखौ नुनो मोन्नाय जादों। बे दाननि 31 डिसेम्बराव बेखौ लानारै थॉंखि आजावनाय जागोन होन्नारै दोलोनि सुलुड फोरमायो।बेराफारसे, लकसभानि बिसायख थिंयाव बिजेपिनि थॉंखिया बाडायैबो 50 जौखोन्दो मासि रोखा खालामनाय। बेजों लोगोसे जानुवारीनि 15 अक्टनिफ्राय हादतनाडैनो बिसायख थिं फोथाराव ओंखारनो थॉंखि लादों बिजेपिनि युव मर्वाया। दुलाराय हादतयाव बिसोरो 5 रेजानिखुइबो बांसिन जथुम्मा खुंगोन होन्नारै मिबथिनो मोन्नाय जादों। बेफोर जथुम्माफोरव बिबुंथि लाखिगोन गाहाइ मन्थ्रि, नख’र मन्थ्रि अमित शाह, राजनाथ सिं आरो जेपि नाड्डोमोनबादि गोजौ थाखौनि दैदेनगिरिफोर।▣

तामुलपुर दख’रा दुलाराइ बर’ फरायसा आफादनि 36 थि ...

होयो फारियै गपेस्वर कलिता आरो तामुलुर जिल्ला ट्राइबेल संघनि नेहाथारि रेबेन राभाआ। बेनि उनाव जामुंसालि, थान्देनि मुंथिसन्नाय, थान्दै बादा बेखेवनाय, फाहामथाय बादा बायदिखौ बेखेवनाय जायो। दिनै फुनि समाव भलिबल बादायलायनाय, थुनलाइ बादायलायनाय, हारिसुवारि बादायलायनाय आरो थान्दै मेल खुंनाय जायो। 26 डिसेम्बरखालि फुंनि समाव आर’ज गाबनाय, फिरिफला बिरहोनाय, मुंख्लंफोरनो मान बाउनाय, बिफां फुलि गायनाय, गेवलां सावराय मेल बायदि हाबाफारि खुंनायनि अनगायैबो सानजौफु समाव गेवलां जथुम खुंनाय जागोन। तामुलपुर दख’रा एबसुनि आफादगिरि बिमल बर’नि आफादगिरि मासि सामब्लायनाया खुंनो गोनं गेवलां जथुमखौ बेखेवनारै होगोन बिटिसिनि गाहाइ मावफुं सोद्रोमा प्रमद वर’आ। बे मेलाव गाहाइ आलासि महरै एबसुनि बोसोनगिरि खुंन्ना स्वरगियारीजों लोगोसे माखासे गागि सुबुंफोर बाहागो लागोन।▣

बारग’ गाहाइ मन्थ्रि अटल बिहारी बाजपेयीनि जोनोम ...

बियाबनि एमएलए अजय राय, बिटिआरनि लेडइ बुंथिगिरि अभिराम महानायक, बिटिआरनि एमसिएलए प्रभात बसुमतारि, प्रदिप कुमार बान्य, सुकेन रायमीनहा। दोलो खुंथाय सानजों लोब्बा लाखिनारै कायजलगावनि जयहोलाउ सोमब्ला बसुमतारि सिभिल फाहामसालियाव फिथाइ–सामथाइफोर रान्नारै होनाय जायो।▣

(▣ 1 बिलाइनिफ्राय)

सालाकाटि दख’रा एबसुनि 14थि आरो सामपुर दालाइसा एबसुनि 15 थि थान्दै जखन्थाइ...

बेनिनो दिनै नैथि एबा जोबथा सानखालि फुंबिलि समाव आफादनि गोथार फिरिफला बिरहोनाय, मुंख्लंफोरनो बिबार बाउनाय बायदि बायदि हाबाफारिया जानारै थंनायनि उनाव सानजौफु समाव मोनसे गेवलां मेल खुंनाय जायो। गेवलां मेलनि हाबाफारिखौ बेखेवनारै होयो कक्राझार जिल्ला दुलाराय बर’ फरायसा आफादनि गाहाइ नेहाथारि खाम्पा बसुमतारिआ। गेवलां मेलनि हाबाफारियाव गाहाइ आलासि महरै बाहागो लायो दुलाराय बर’ फरायसा आफादनि आफादगिरि दिपेन बर’आ। ओन्सोलनि गोबां राइजो–रजाफोरनि बाहागो लानाय गेवलां मेलआव गावनि बिबुंथिनि गेजेरजों गाहाइ आलासि दिपेन बर’आ आधिखालनि बर’ हारिनि समाजआरि, सोलोंथाइ, राजखान्थि थासारिजों लोगोसे बिटिआर गोजोन गोरोबथानि दफाफोरखौ मावफुंनाय आरो मावबावनो गोनं आद्रा थानाय दफाफोरनि थासारिखौ गुवारै फोरमायनारै होयो। लोगोसे बिथाख हारिनि रैखाथि, थामोन्था आरो मोन्थायनि थाखाय दुलाराय बर’ फरायसा आफादआ जागायनायनिफ्राय दिनैसिम जाय थॉंखिखौ लानारै खामानि मावबोंदों इयुनआवबो हारिनि सार्थंआव दुलाराय बर’ फरायसा आफादआ खामानि मावलांबायथानो थियारि होन्नारै फोरमायो। हारिनि जायखि–जाया अलखद एबा खैफोदिनि समाव एबसुआ जेब्लायबो गसंथानारै खामानि मावलांगोन होन्नारैबो गावनि बिबुंथिनि गेजेरजों गोखोडै बुंथियो एबसुनि आफादगिरि दिपेन बर’आ। सालाकाटि दख’रा एबसुनि 14थि थान्दै जखन्थाइ आरो सामपुर दालाइसा एबसुनि खुंगा 15थि थान्दै जखन्थाइनि लोब्बायै खुंनाय दिनैनि गेवलां मेलनि हाबाफारियाव मिरु एबसुनिफ्राय गेलेमु नेहाथारि गनेश बसुमतारिजों लोगोसे कक्राझार जिल्ला एबसुनि गाहाइ नेहाथारि खाम्पा बसुमतारि, जिल्ला एबसुनि बिबानगिरिफोर, ओन्सोलनि मेलेम जिबि सान्सुमै, गुबुन गुबुन आफाद गौथुमनि बिबानगिरिफोर आरो ओन्सोलनि गोबां राइजो–रजाफोरनि बाहागो लानायजों हाबाफारिया मेहेरगोनाडै जोबलाडे।▣

आलफा आरो भारत सरकारनि गेजेराव फँगौ 29...

गावसोरनि माखासे दाबिफोरखौ गोरोबथानि दफाफोराव दैखांनो दाबि खालामदों। जर’खायै आसाम बिधान सभानि मोन 126 मासिनि गेजेराव 102 मासिखौ आसामनि नंगुबै थागिबि सुबुंफोरनि थाखाय रिजाब खालामनो, नेसनेल रैजिस्टार अफ सिटिजेन (एनआरसि)खौ आपडेट खालामनाय, आसामनि थागिबि सुबुंफोरनो हानि मोन्थाय होनाय, आसामनि मोन 6 हारिफोरनो एसटि मान होनाय, आसामनि दै बानाखौ मोनसे माहारियारि खैफोद महरै फोसावनाय, सोलोंथाइ फसंथान आरो सरकारि साख्रियाव आसामनि नंगुबै थागिबि सुबुंफोरनि थाखाय 88 जौखोन्दो बाहागो मासि थिखानाय बायदि बायदि दाबिफोरखौ भारत सरकारनि खाथियाव दैखांदो आलफानि दैदेनगिरिफोर। बेराफासँ परेश बरुवा दैदेन्नाय आलफा–आइ हान्जआ बे गोजोन गोरोबथायाव बाहागो लानो दासिमबो आवगायबोयाखै। गिबि मन्थ्रि ङ् हिमन्त बिश्व शर्माआ राइज्योनि अरायथा गोजोन थासारि लाबोनाय आरो गासै बिथिखव जौगानायनि थाखाय गुबै दाहारआव फैनो परेश बरुवाखौबो खавलायहरदों।▣

गाजा–गोमजायै खुंफुंजाबाय सान्जा कलाइगाव...

होफैयो। बे जथुम्मानि गेवलां मेलनि बेखेव बिबुंथि लाखियो कलाइगाव दख’रा एबसुनि आफादगिरि फिरज कान्त बसुमतारिया आरो मेलखौ दैदेनो सान्जा कलाइगाव ओन्सोलारि बाथौ महासभानि आफादगिरि मडलु कछरिया। बे मोनै मेलखौ दैदेनो बुंथिगिरि आरो बोसोनगिरि पबित्र बसुमतारिया। मख’नो गोनॉदि,गेवलां मेलयाव गांसे गोसोखाँंथलाइ बेखेवनारै होयो समाज सिबियारि बाबुल बर’आ। मख’जोथावदि, बाथौफुरियाव बाथौ मन्दिर गायसनजेन्नाय आफादगिरि आरो उदालगुरि जिल्ला फरायसालिफोरनि आजिरा मोन्नाय आफादगिरि नबिन चन्द्र बर’ आरो नेहाथारि भवानन्द मुसाहारिनि नाजानायाव बे बाथौ महासभानि जथुम्माया जाफुंसारो।▣

गुरुफेलाआव बारग’ गाहाइ मन्थ्रि भारत रत्न...

शुनलाइगिरि आरो राजखान्थिगिरि रंसारि अटल बिहारी बाजपेयीनि आदर्श आरो खान्थिखौ जों मानिनारै सोलिनो हायोब्लासो बिथांखो गुबैयै मान होनो हागोन। सासे सुबुं थान्दै महरै बिथाख बयनिबो थाखाय आंगो आरो सिबिजाग्रा सुबुंमोन। बिथांनि थुलुंगाखां आरो लामा दिन्थिनायनि गेजेरजों दिनै भारतीय जनता पार्टिआ राइजो–राजानि गेजेराव अन्सायनाय मोन्नो हादों। बे बायदि सासे राजखान्थिगिरि सुबुड खौनि थाखाय थुलुंगानि फुंखा होन्नारै सिंहालआ फोरमायो। गुबुन फासँथि, गुरुफेलायाव गोबां बिथांखिनि गेजेरजों लाहोमन जोलैनि गेजेराव माखासे बिथिखव मख’जाथाव मावबोनायखौ बिथाख गोजेन्नाय फोरमायनारै बुडेदि, रंखान्थियारि, देहायारि एबा राजखान्थियारि खोलोबनिफ्राय हारि खौसेंथिखौ रैखा खालामनो हायो नाथाय हारिसुवारि महरै फेलं जायोब्ला मोनसे हारिया जोबस्त्रांलाडे। बे बिथिखव श्रीगुरु थॉंखि गोबां बिथांखिया साग्रां जानारै खामानि मावलांदों। बे हाबाफारियाव सा–सान्जा ओन्सोलनि मोनसे मख’जाथाव फसंथान महरै दाफुंनारयनि सिमांखो मोकथां खालामनो थाखाय सरकार हागौमानि मदत–हेफाजाब होलांगोन होन्नारै बिथाख बुडे। बेनि लुफुंथायजों लोगोसे जौगाथायनि थाखाय गुबुन गुबुन बिथांखिनि खामानिखौ आजावगोन होन्नारै बिथाख खोथा होयो। बे हाबाफारियाव सयंसेबक संघनि सा–सान्जा ओन्सोलनि फोसावदिगिरि उल्लास कुकलरनिआ बाहागो लानारै रंसारि अटल बिहारी भाजपेइनि जिउनि गोसोखांथाव दिगफोरनि साया फोरमायथिनारै होयो आरो बिथांनि माखासे मख’जाथाव खौरंफोरनो राइजो–रजाफोरनि सिगाडव फोरमायनारै होयो। बे हाबाफारियाव बिटिसिनि एमसिएलए सजल कुमार सिंहजों लोगोसे जिल्ला बेंगिरि प्रदिप कुमार द्विवेदि, माहारियारि स्वयंसेबक संघनि साहा आसाम ओन्सोलनि गाहाइ अनुपम सरकार, बिफान फोसावगिरि दिलिप आर्जेल, मावफुं सोद्रोमा सतदल कुन्दुजों लोगोसे माखासे गागि आलासिफोर बाहागो लायो।▣

कक्राझारआव बरदिन फोर्बानि मुडैः जोबथेसालियाव फिथाइ–सामथाय रान्दों

दिन्थिफुंदों कक्राझार उनबस्क’ बापटिस्ट गिर्जानि फाडार, सिस्टरजों लोगोसे सिबियारिफोर आखायाव गोथार बाइबेल लानारै केरलनि देख्ठोयाव रंजानारै केइदिफोरनो फिथाइ–सामथाय रान्ना होनारै गोजोन गायसन्नो थाखाय जिशु ख्रुस्टनिसिम आर’ज गाबो। मख’नो गोनॉदि, बरदिननि बे गोथार सानाव सिबियारिफोर गोजोर्ननि दुत जिशु ख्रुस्टआ दिनैन सानाव मुत्सुगाव ओंखारफेदोंमोन होन्नारै फोथायो। बेनिखायनो धोनि–निखावरि, राजा–फोररजाबयबो जेबो रोखोमनि बासिनाय गैया लासेनो बयबो खौसेयै आर’ज गाबनाय हाबाफारियाव बाहागो लायो। बे बायदिनो ज थयै मोसानारै–मेथाइ रोजाबनारै रंजा–बाजायै बरदिनखौ फालियो। कक्राझारआवबो बेनिनो बिदिन्थिखौ नुनो मोन्नाय जादों। बिटिसिनि मावफुं सोद्रोमा रेवेवा नाजिहारीआ दिनै बरदिननि लोब्बायै बयजॉबो रंजा–बाजायै बरदिन फालिनायखौ नुनो मोन्नाय जादों।▣

आरबाज आरो शुरा नि जुलिनि गिबि सावगारिआ सोराडाव फैदो

बलिउडनि हेन्डसाम फावखुंगुर आरबाज खानआ दासान्दि मावख'आरि महरै मेकआप आर्टिस्ट शुरा खानजों हाबा जादों। थांनाय 24 डिसेम्बरखालि बिसोर सानैनि ज'रा जुलिनि फोर्बोंआ अपिंता खाननि न'आव खुंजादोंमोन, जेराव बी-टाउननि गासैबो स्टारफोरा बाहागो लादोंमोन। मलाइका अरोडानिफ्राय 6 बोसोर आलादा जानायनि उनाव, आरबाज खानआ फिन खेबसेबाव गावनि न'आव थाहैदों। हाथरखि गोनां मोनाबिलि जोबनायनि उनाव फावखुंगुरआ गावनि जुलिनि गिबि सावगारिखौ दिन्थिदों। 56 बोसोर बैसोनि आरबाजखौ



हौवा गोदाननि गान्नाय-जोमनायाव जोबोद मोजां नुदोंमोन। बिथाड बेज गावनि पेन्ट गान्दोंमोन, जायखौ बिबारनि गावनि प्रिन्टजों लोगोसे लानाय जायोमोन। एखे समावनो, गावनि जर'खा

सानआव सासे रानी बायदि नुनो थाखाय, शुराआ मोनसे सनानि ब्लाउज आरो पेस्टल गावनि गलापि लेहेंगा गान्दोंमोन। शुराआ गावनि खर'आव मोनसे गोरोबनाय जोमग्रा लादोंमोन। शुराया गिलिर गहेनाफोर आरो मेकआपजों गावनि लुकखौ आबुं खालामदोंमोन। आरबाज खानआ गावनि नैथि बिसि शुरा

खानजों जुलिनि गिबि सावगारिफोरखौ सेयार खालामदों। बेसावगारिफोराव, बिथाड लिरदों, जोंनि आंगोफोरनि नुजाथिनायाव आं आरो आंनि अनजालिआ दिन्थिफ्राय अरायनि थाखाय गावजों लोगोसे दं। बेजर'खा सानआव नोंथांनि गासैबो बोर आरो अननाय होनायनि गोनांथि

हुंकी की आरो सालार सावथुनआ रिलिज जानायनि उनाव एनिमेल सावथुननि रं आरजिनाया दावखलायदों



रणबीर कापुर आरो बबी देअलनि सावथुन 'एनिमेल'आ बक्स अफिसआव मोनसे जाफुंसार जादों। संदीप रेड्डी वांगजों बिथोन होनाय जाय 2023 नि 1 डिसेम्बरखालि सिनेमा हलफोराव रिलिज खालामदोंमोन। बेसावथुना बक्स अफिसआव गोखों दोहौ सोमजिहोदोंमोन। बेसावथुना 20 सानसिम नख'रारि बक्स अफिसआव जोबोद मोजां रं आरजिनो हादों। नाथाय आधिखालाव शाहरुख खाननि 'हुंकी' आरो प्रभासनि 'सालार' सावथुनआ सिनेमा हलफोराव रिलिज जानायनि उनाव 'एनिमेल' सावथुननि थासारिया गाजि नुनो मोनो। रणबीर कापुर आरो रश्मिका मन्दानि 24थि साननि रं आरजिनायनि अनजिमाखौबो दिन्थिनाय जादों। 63 कौटि रंजों नख'रारि बक्स अफिसआव मोजां जागायजेन्नाय 'एनिमेल' सावथुननि रं आरजिनाया दासिमाव भारतआव गोल्डैबाय थादों। रिलिज जानायनि 23थि सानाव एनिमेल सावथुनआ सनिबाराव भारतयारि बक्स अफिसआव 2 कौटिसो रंखौ आरजिदों। मख'नो गोनांदि, सावथुना रबिबाराव बांद्राय मुलाम्फा लानो हायाखैमोन। सेकनलिक रिपर्टनि बायदिब्ला, रणबीर कापुरनि एनिमेलआ रबिबाराव न'खरारि बक्स अफिसआव हिन्दी रावआव 2 कौटिल' रं आरजिनो हादोंमोन। 'हुंकी' आरो 'सालार' सावथुननि क्रेजआ जोबनायाव रणबीर कापुरनि सावथुनखौ गोहोम खोख्लैनाय नुनो मोनो। सावथुना दासिम नख'रारि बक्स अफिसआव 535.99 कौटि रं आरजिनो हादों। 'ब्रह्मास्त्र' सावथुननि उनाव बेयो रणबीर कापुरनि नैथि सावथुन जायखौ गासै भारतआव फोसावनाय जादों। हिन्दीनि अनगायैबो, संदीप रेड्डी वांगजनि सावथुनखौ तामिल आरो तेलुगु रावफोरावबो फोसावनाय जादोंमोन। बेराफारसेथिं सावथुनआ तामिल रावआव जेबो रोखोमनि गोहोम खोख्लैनो हायाखैमोन। हिन्दी रावआव जेराव एनिमेलआ दासिम 486.34 कौटि रंखौ खामायदों। तेलुगु रावआव सावथुना 24 सानआव 44.11 कौटिसिम सौहैबाय।

हुंकी सावथुननि कलेक्सनआ 100 कौटि क्लबाव फैनो हाबाय

राजकुमार हिरानीजों बिथोन होजानाय सावथुन 'हुंकी' आ शाहरुख खाननि बे बोसोरनि थामथि सावथुन। बिन सिगाडव पटन आरो जवान बायदि सावथुनफोरजों किंग खानआ सुबुंफोरनि गेजेराव गावनि मुंखौ लाखिदोंमोन। आधिखालाव सुबुंफोरा सावथुन हुंकीनिफ्राय गोबां मिजिं थिनाय नुनो मोन्दों, जाय 'सालार' सावथुनजों बक्स अफिसनि सौग्रावलायनायजों मोगा-मोगि जागासिनो दं। बक्स अफिसआव गोब्राब बादायलायनायजों मोगा-मोगि जानायनि उनावबो, बेसावथुना गिबि सप्ताहनि जोबनायाव आगान होबाय। 'हुंकी' आ राजकुमार हिरानी आरो शाहरुख खाननि जयै गिबि सावथुन। एसेबां गोलाव जिउ राहायाव किंग खानआ गोबां फेस्ला सावथुनफोर खालामदोंमोन, नाथाय बेयो हिरानीजों लोगोसे



बिथानि गिबि मावनाय हाबाफारि। सावथुननि रिलिज सानाय सानआ 4 सान बारलांबाय। सिगानि सानथामनि

रुजनायाव 'हुंकी' सावथुनआ रबिबाराव मोजां जौगानायखौ दिन्थिदोंमोन। 'हुंकी' सावथुनआ 100 कौटि

सालार सावथुनआ गिबि सप्ताहयाव बक्स अफिसआव डाबल सेन्चुरि लानायजों लोगोसे गोबां रं आरजिदों

साउथ सुपार स्टार प्रभासनि बोसोर 2023 आ 'आदिपुरुष' सावथुनजों मोजांडै जागायजेनाखैमोन। नाथाय बे बोसोरनि जोबथा समाव बिथानि थाखाय जोबोद नायथावना जानो थांगासिनो दं। 22 डिसेम्बर 2023 मायथाइनि क्रिसमासनि फालिथायाव बिथानि सावथुन 'सालार'आ आधिखालाव सिनेमा हलफोराव आगान होदोंमोन। मालायलम फावखुंगुर पृथ्वीराज सुकुमारनआबो प्रशान्त नीलजों बिथोन होजानाय सावथुनाव प्रभासजों लोगोसे गाहाइ फाव खालामदोंमोन। 'सालार' सावथुननि बागै अनसायगिरिफोरनि गेजेराव सिगानिफ्रायनो मोनसे क्रेज जादोंमोन। नाथाय बेसावथुना सौफैनाय लोगो लोगो बक्स अफिसजौबो उरायहोयो। बेसावथुना सप्ताहनि जोबनायाव नख'रारि बक्स अफिसआव डाबल सेन्चुरि

क्लाबआव हाबहैयो। बेयो मोनसे समाजारी खौरां गोनां सावथुन, जेराव फेस्ला आबुजों बुंफनाय। बेसावथुननिफ्राय सुबुंफोरा गोबां मिजिंथिदों, जाय गिबि सानआव गासै 30 कौटि रंजों अपेनिं खालामदोंमोन। शाहरुख खाननि स्वेग आरो तापसी पटुनि दाय गैथैआ सल'नि अनगा गुबुन मोनसे जाहोन, सुबुंफोरे बनि सोमोन्दे रायक्लायगासिनो दं। मख'नो गोनांदि, बेसावथुना गिबि



फोजोबखांबाय। प्रभासनि एक्शनजों बुंफनाय सावथुन, जाय पान इन्डिया स्टारनि थाखाय साउथ स्टार जाबाय। बेसावथुनआ तेलुगु रावआव गोबां अनसायनाय मोनगासिनो दं, नाथाय हिन्दी

गाहाम देहानि राहा

बेफोर मोन 5 गोथां बिलाड़ गोनां मैंग-थाइंगफोरखौ गुसु बोथोराव जाग्रा आदाराव लाफादेरोब्ला गोबां मुलाम्फा मोनगोन

आधिखालाव गोरोन्थि जानाय हुदाया देहायाव गोबां जेनाजों मोगा-मोगि जानो गोनां जायो। गोथां मैंग-थाइंगआ सावस्त्रिनि थाखाय जोबोद मुलाम्फा गोनां जायो। गोजां बोथोराव सन्देर जानायनि खैफोदआ गोबां जायो। बेनिफ्राय



बारग'नो थाखाय नोंथाड मोन 5 रोखोमनि गोथां बिलाड़ मैंगफोरखौ जानांगौ। आधिखालाव गोबां सन्देरजानायनि खैफोद दं, बेनिफ्राय बारग'नो थाखाय सुबुंफोरा गावखौ जोबोद जोथोन लानाया गोनांथार। जुदि नोंथाड सानफ्रोमबो मैंग गोथां



जायो अब्ला नोंथांनि देहाया गोहो मोनगोन आरो बेरामफोरा नोंथांनि खाथियाव फैनाय नड। पालेंआ गुसुआव जानो थाखाय जोबोद मोजां। बेखौ जानाया नोंनि देहाखौ गुदुं लाखियो। बेयाव



भिटामिन ए, सी, के, आयरन आरो केलिसियम थायो जाय नोंथांखौ फिट लाखियो। मानसिफ्रा गुसुआव बुथुवा गोथां जानो मोजां मोनो। नोंथाडबो बेखौ जानायजों उदैन जेनाफोरखौ फोजोबनायाव जोबोद मुलाम्फा गोनां जायो। बेयो इम्युन सिस्टमखौ गोखों खालामनायाव




मुलाम्फा गोनां जायो। गुसुआव बेसर गोथां जानाया नोंथांनि थाखाय जोबोद मुलाम्फा गोनां जायो। बेखौ जानायजों नोंथांनि देहाया गावखौ भाइरासनिफ्राय रैखा खालामनो हायो। बेयो मोनसे चुटकीयाव कनस्तेसननि जेनाखौबो



जानगार खालामो। गोजां बोथोराव नोंथाड मुला बिलाड़नि मैंग-थाइंगफोरबो जानांगौ। बेखौ जानायजों नोंथांनि देहाखौबो फिट लाखियो। बेयो देहानि सानायखौबो जानगार खालामो।

ऐश्वर्या शर्माया बिग बसनि न'आव थानाय माटवासे बादायारिफोरनि बाथा फोरमायदों

बिग बस-17 आ आधिखालाव गोबां खौराडव थादों। माब्लाबा माब्लाबा मुनवर फारुकीनि रमाटिक सोमोन्दो, माब्लाबा भिक्की जैन आरो अंकिता लखन्डेनि गावजों गाव नालायनाया दिन्थिफुनायनि गाहाइ बाहागो जानाै थायो। ऐश्वर्या शर्मायाबो गावनि बिबुंथिनि थाखाय सावरायनायाव थाबाय थादोंमोन। अंकिताजों बिथानि दावराव-दावसिखौ गोबां समावनो नुनो मोननाय जायोमोन। ऐश्वर्याआ न'निफ्राय बायजोआव ओंखारनाय लिस्टआव एक्टिभ जाखांबाय।



बिग बस न'निफ्राय ओंखारनाय लोगो लोगो बिथाड माखासे सिंनि गुमुरफोरखौ खोन्थादोंमोन। इउडुबार सिद्धार्थ कन्न्डजों मोनसे मोगा-मोगियाव ऐश्वर्याआ भिक्की आरो अंकितानि सोबानाय दान्थे-बिदान्थेनि बागैबो बुंदोंमोन, जेराव ईशा आरो मुनवरबो दंमोन। बिथाड बुंदोंमोनदि सुबुंफोरा फिसाइ-बिसिनि सोमोन्दोनि सायाव बिबुंथि होनो नाड मानोना सुबुंफोरा बिथानि सोमोन्दोनि सायावबो बिबुंथि होगासिनो दं। दासान्दि आं बयनोबो फिन्नाय होनो हायादि जोंनि इकुवेसनआ बेसेबां थार। ऐश्वर्याआ

बुंदोंमोनदि आं क्लिपखौ नुदोंमोन आरो भिक्कीया जा खालामदोंमोन बेयो गोरोन्थिमोन। ऐश्वर्याआ मुनवर आरो आयशानि सोमोन्देनि सायावबो बिबुंथि होदोंमोन। बिथाड बुंदोंमोन दि मुनवरआ बरि आरो फ्लेट लाइन लायो। बेजों लोगोसे मनारानि रैखाथि गैथैनि सायाव बिथानिजोआ बुंदोंमोनदि बियो सानाखैदि बियो मुनवरखौ खालि गावनि लोगो महरै मानियो। ऐश्वर्याआ बुंदोंमोनदि मनारानि बायदिब्ला मुनवरआ बिन लोगोल', नाथाय आं बिन फारसेनिफ्राय लोगोनि मोन्दांथिखौ रोखायै मोन्दांनो हाया। आं मनाराखौ

सोंदोंमोन नोंहा बिन थाखाय माबाफोर फिलिस दं नामा। नाथाय मरानाया नेवसिदोंमोन आरो बियो इम'शनेल जायो। आं सानो बियो गावनि लोगोफोरनि बागै पजेसिभ। ऐश्वर्यानाव मुनवर आरो आयशा खाननि सोमोन्देनि बागैबो सोंनाय जादोंमोन। बिथाड बुंदोंमोनदि बिसोर सानैबो गावोन मिथियादि बिसोरनि सोमोन्दोआ मा। जेब्ला आयशया फैयो, अब्ला बियो जोबोद साहस गोनां जादोंमोनदि, आं बेखौ खालामगोन, बेबादि खालामगोन, नाथाय उनाव बियो सोलायबाय। ऐश्वर्याआ बेखौबो बोसोन होदोंमोनदि मुनवरआ दासान्थि गावनि गेलेनायनि थाखोखौ बांहोनांगौ मानोना बिथानि गेलेनायाव जेबो गुन गैया। ऐश्वर्याआ बिग बस-17 नि टप 3 बादायगिरिफोरनि सायावबो बिबुंथि होदोंमोन। बिथानि बायदिब्ला, नील, मुनवर आरो अभिषेक कुमारा टप थामआव थानांगौ। अंकिताया बेसिजननि ट्री देरहानायनि मोन्थाइ गैया मानोना बियो जेब्लाबो उन्दुयो। बियो जेबो इन्डिभजुयेल पार्सनेलिटि गैया।

आमेरिका आरो कानाडानि रैनिया नायबिजिरग्रा एजेन्सिआ 68 बोसोरनिफ्राय सान्ता क्लजखौ नागिरगासिनो दड

वाशिंग्टन, 25 डिसेम्बर: बरदिननि सानखौ दिनें मुलुगनाडेनो दोरोडारि गोसो गुदुंजो फालिनाय जायो। गिर्जायाव फुनिफ्रायनो सिबियारिफोरजो होंगो-दोंगो जायो। बे फालिथायाव नोंथानो बै फोरमायथिखौ फोसावनो थोंगासिनो दं, जायखौ नोंथाड माब्लाबाबो मिन्थियाबो जानो हागौ। जुथाइ राइज्यो आमेरिका आरो कानाडानि रैनिया एजेन्सिआ थानाय 68 बोसोरनिफ्राय सान्ता क्लजखौ नोजोर होगासिनो दं। सा आमेरिकानि एरस्पेस डिफेन्स कामान्ड (एनअआरएडि) रैनिया एजेन्सिआ 68 बोसोरनिफ्राय सान्ता क्लजखौ ट्रेक खालामगासिनो दं। बरदिनआ गावनि दावबायनायखौ बे बहुमनिफ्राय गिबिसिन थाथ 'नायजो जागायजेन्दोमोन। उन्दे गथ'फोरखौ गोसो



बायहोनायनिफ्राय बारग'नो थाखाय न'राडनि बै समनि अपारेसननि सामलायगिरि कर्नल हैरी शुपआ गावनि मावफारियाफोरखौ अल्ड सेन्ट निकआ बबेहाय थानो हागौ, बेखौ नायनो थाखाय राडरखौ नायबिजिरनो बिथोन होदोंमोन आरो गथ'फोरखौ गावनि जायगानि बागै फोरमायनो

बिथोन होदोंमोन। 68 बोसोरनि उनाव नराडआ गथ'फोरनि खामनाय सोंलुफोरनि फिन्नाय होनो थाखाय गावनि क'लराडो गाहाय मावख'नि बायजोआव मोनसे अरायथा नडि कल चेन्टार फसनयनि दोरोखौ लाखिगासिनो दं। एनअआरएडिजो फेसबुकआव पस्ट खालामजानाय मोनसे

सावगारिआव फिन्नाय होग्रा सुबुंफोरनि सारिखौ नुनो मोनो। माखासेआ खसाब गानाय आरो माखासेआ गोजा सान्ता टपि गान्दो। बिनि सिगाडाव रबिबारखालि ट्रेकारा दसे समनि थाखाय गाहायाव थादोंमोन जायनि जाहोनाव पेसिफिकनि गथ'फोरा बेनि थार थाथायखौ मिथियामोन। □

फ्रान्सनि बिजिरसालिया बिखंनिफ्राय मानसि लांखारनायाव हमजानाय सा 303 सुबुंफोरनि सायाव राय फोसावदों

मस्क, 25 डिसेम्बर: बिखंनिफ्राय गोबां गुबुन हादराव मानसि लांखारनायनि बयनिखुइबो देरसिन रेकेटआ गासै मुलुगखौनो सोमावगलुंदों। फ्रान्सआ गावनि हादराव मानसि लांखारनायनि सन्देहआव साउदी आरबनिफ्राय इउरपनि हादरफोराव मानसि रोगाग्रा 303 सुबुंफोरखौ बोखलायदों। दिनें बिसोर गासैखौबो फ्रान्सनि बिजिरसालियाव दिन्थिनाय जागोन, जेराव बिजिरसालिया बिसोरखौ हमनायनि गोबांसिन समनि सायाव थिरांथा लागोन। मानसि लांखारनायनि सन्देहआव फ्रान्सनि बिबानगिरिफोरजो हमजानाय गंसे बिखंनि सा 303 दावबायारिफोरा रबिबारव बिखं गाथोनाव सासे बिजिरगिरिनि सिगाडाव नुजाथिगोन। फ्रान्सनि बिजिरसालिया दावबायारिफोरखौ आरोबाव



गोबां समनि थाखाय हमनायनि सायाव राय होनो हागौ। बांसिन दावबायारिफोरानो भारतारि। 303 दावबायारिफोर जो दुबाइनिफ्राय निकारागुआसिम थानाय जुथाइ आरब एमिरेटस (इउ.ए.इ.) नि गंसे बिखंखौ बृहस्पतिबाराव मार्नेनि चालन-वेत्री बिखं गाथोनाव सुबुं लांखारनायनि सन्देहआव होबथादोंमोन। फ्रान्सनि खौरां फोसावग्रा टेलिभिजन आरो रेडिअ'नेटवर्क बिएफएम टिभिआ फोरमायदोंमोनदि, बिखंनि दावबायारिफोरखौ बिखं गाथोननि नेनाय जायगायाव दोन्नागौ ना दोन्नाड बेखौ थिरांथा लानो थाखाय सासे उदांसि आरो हमथाग्रा बिजिरगिरिनि सिगाडाव खोनासनाया बे रबिबारनिफ्राय जागायगोन। उखिल आरो चल्स-एन-चेम्पेननि आफदगिरि फ्रान्कोइस प्रक्युरआ बुंदोंमोनदि, आं मिन्थिया दि बेयो फ्रान्सआव सिगाडाव जादोंमोन ना जायाखौमोन। पेरिसनिफ्राय 150 किल'मिटर सान्नाहा मार्नेआव वेत्री बिखं

गाथोनाव मोनसे बिजिरसालि लुनो थाग-थियारि खालामनाय जादों। बे बिखं गाथोना बांसिनै रांखास्थियारि बिखं गाथोनखौ सिबिथाय होयो। सा 303 दावबायारिफोरा रबिबारखालि फुनि 9 रिगानिफ्राय समबारसिम बिजिरगिरिनि सिगाडाव नुजाथिनागोन। रिपर्टआव बुंनय जादोंदि, जुदि सोरबा गुबुन हादरनि नोगोरारिया फ्रान्सआव गोल्लैयो आरो बिथांखौ गावसोरनि थांखि खालामनाय थावनियाव थानायनिफ्राय होबथायो, अब्ला फ्रान्सनि सिमा पुलिसआ गिबियाव बिथांखौ सानब्रैसिम हमथानो हागौ। फ्रान्सनि आयेनआ बे समफारिखौ 8 सानसिम बारायनो गनायथि होयो। जुदि सासे बिजिरगिरिया गनायथि होयो अब्ला दावबायारिखौ सरासनस्त्रा नडै थासारियाव 8 सान आरो गोबांसिन 26 साननि थाखाय हमनानै दोनो हायो। बेयो गोनाथार मानोना जों 96 घन्टानि बांसिन नेनाय ओन्सोलाव गुबुन हादरनि सुबुंफोरखौ दोनो हाया। बेनि

अनगायैबो, उदांसि आरो जिम्मायारि के सफोरनि बिजिरगिरिया गावनि खाफालनि सायाव थिरांथा लानांगौ। भारतारि राजथान्दै थाग्रा खुलिआ सनिबाराव बुंदेंदि, बियो आथिखालाव वेत्री बिखं गाथोनाव भारतारिफोरनि गाहामनि थाखाय आरो थासारिखौ थाबै सुसानो थाखाय फ्रान्स सरकारजो लोकोसे खामानि मावबाय थागोन। राजथान्दै थाग्रा खुलिआ एक्सआव पस्ट खालामदोंदि, राजथान्दै थाग्रा खुलिनि राजथान्दैयारि मावफारियाफोरा बिखं गाथोनाव दं। बिखं गाथोननि रिसेप्शन हलखौ राइज्योआरि खुंथाइया गुबुन हादरनि सुबुंफोरनि थाखाय नेनाय जायगायाव सोलायबाय। टेलिभिजन नेटवर्क आ फोरमायदोंमोनदि, साब्रै बिजिरगिरिफोर, साब्रै खेरानिफोर, एखे अनजिमानि रावसोलायगिरिफोर आरो बाडयसिनाव साब्रै उखिलफोरजो मोनसे समावनो मोनब्रै हियारिफोर खुंनय जागोन। □

हामासआ गाजायाव सा 13 इज्राइलनि रैनियाफोरखौ जिउ फोजोबदों



जेरुसालेम, 25 डिसेम्बर: इज्राइलनि रैनियाफोरा 2 दानाव गाजायाव ख'हा खालामदोंमोन आरो हामासखौ फोजोबसादोंमोन नाथाय दासिमबो हामासनि उतखारिफोरा नागाराखै। इज्राइल-हामास दावहानि जोबथा सान्नेयाव हामासनि उतखारिफोरा सा 13 इज्राइलनि रैनियाफोरखौ बुथारदों। बेयो आरोबाव फिन खेबसेबाव हामासनि उतखारिफोरखौ गोखौ खालामनायनि इसारा होदों। मख'नो गोनादि, हामासखौ बबेबा नड बबेबा हादरा हेफाजाब होगासिनो दड। शुक्रबार आरो शनिबारखालि गाजा स्ट्रिपआव जानाय दाडबाजियाव खमैबो सा 13 इज्राइली रैनियाफोरा जिउ गोमादों। इज्राइल रैनियाफोरा

रबिबारखालि बे खौरंखौ होदों। अक्टबरनि जोबनायाव इज्राइलनि हा गाग्लोबनाय जागायजेन्नायनि उनाव बेयो इज्राइलनि रैनियाफोरनि थैनायनि बयनिखुइ बांसिन अनजिमा। बेयफासै हामासआ गोबां सप्ताहफोरनि गिखंथाव दावहानि उनावबो दासिमबो दावहा नांगासिनो दड। बबेखानि, इज्राइलनि रैनिया हान्जानि थैनायनि बांलांनय अनजिमाया दावहानि थाखाय इज्राइलनि राइजो-राजानि मदतनि मोनसे गोनांथार जाहोन जानो हागौ। हामासजो दैदेनजानाय उतखारिफोरा 7 अक्टबरखालि खोला इज्राइलाव नोगोरारिफोरनि सायाव गाग्लोबदों, जेराव सा 1,200 सुबुंफोरनि जिउ गोमादोंमोन आरो सा 240 खौ खादोंमोन।

दावहाया गाजा स्ट्रिपनि माखासे बाहागोफोरखौ सिलिखार खालामदोंमोन, जेराव 20,000 निबो बांसिन फिलिस्टाइननि सुबुंफोरा थैदोंमोन आरो गाजानि 2.3 मिलियन सुबुंफोरनि 85 जौखोन्दोयानो गाव गावनि जायगा नागरान्दों। इज्राइला दासिमबो हामास खुंथाय आरो रैनिया गोहोफोरखौ फोजोबनो आरो आद्रा थानाय 129 हमजानायफोरखौ हगारनायनि गावनि बुंनय थांखिफोरखौ गोखोडै आवगायगासिनो दं। इज्राइलनि गाग्लोबनायनि बेरेखायै गेजेर हायुंआरि नारसिन्थाय बांनयनि उनावबो मदत होनाया बांसिनै दिदोम जानानै दं आरो पिलिस्टाइननि सुबुंफोरा बुथारजादोंमोन आरो बेफोर जेनाजों मोगा-मोगि जानादोंमोन। रैनियाफोरनि

थैनायनि बांलांनय अनजिमाया बै मदतखौ लोरबां खालामनो हागौ। इज्राइलाव रैनियाफोरनि थैनाया मोनसे इहुदि सुबुं अनजिमा थानाय आरो गोनांथार रैनिया सिबिथाय गोनां हादर। शुक्रबार आरो शनिबारव गेजेर आरो खोला गाजायाव दावहायाव सा 13 इज्राइलनि रैनियाफोरनि जिउ गोमादों, जाय बे बाथ्रानि मोनसे नेरसोनदि, माबोरै हामासआ इज्राइलनि रैनियाफोरनि बेरेखायै गोखौ हँथा होगासिनो दं फारसेथि इज्राइलआ दाबि खालामदोंदि, बेयो उतखारि हान्जानि थाखाय मोनसे गिखंथाव ख'हा खालामदों। हायाव गाग्लोबनाय जागायजेन्नायनि उनाव बुथारजानाय इज्राइली रैनियाफोरनि अनजिमाया बांनानै 152 जाबाय। फिलिस्टाइननि रेड क्रिसेन्टआ रबिबारनि फुआव बुंदोंदि, खान युनुसआव सालायनाय अल-अमल देहा फाहामसालिनि बिल्डिनि सिडव इज्राइलनि डून गाग्लोबनायाव सासे 13 बोसोर बैसोनि हौवासाया गावथारजादों। पिलिस्टाइननि रेड क्रिसेन्टआ बे खौरांनि सोमोदँ जेबो गुवारे फोरमायथि होआखै। इज्राइल आरो फिलिस्टाइन फारनैथिबो

चीनआव गुसुनि दोहौ, बेइजिंआव 300 घन्टासिम बिदुडा लाथिख'नि गाहायाव



बेइजिं, 25 डिसेम्बर: चीनि राजथानि बेइजिंआ दिसेम्बर दानाव गोबां घन्टासिम बिदुडा लाथिख'नि गाहायाव थानायआव 75 बोसोरसोनि रेकडखौ सिफायदोंमोन। हादरनि सा आरो सा-सान्जा बाहागोफोरा आर्कटिकनिफ्राय फैनाय गोब्राव गुसु बारजो बयनिखुइबो बांसिन गोहोम

गोल्लैदों, माखासे ओन्सोलोफोराव जारिमिनारि गाहायसिन थासारि खालामनाय जादों आरो सा-सान्जानि बिदुडा माइनास 40 सेल्सियाससिम गाहायाव थादों। राइज्योजो हेफाजाब होजानाय बेइजिं डेलीनि बायदिल्का, रबिबारसिम बेइजिंआव मोनसे बोथोर नायग्रा खुलिआ 11 दिसेम्बरनिफ्राय

300 घन्टानिबो बांसिन बिदुखौ लाथिख'नि गाहायाव थिसन्दोंमोन। बेयो 1951 मायथाइनि उनाव बयनिखुइ बांसिन हमदादोंमोन। रयटर्सआ बेइजिं डेलीनि सायाव बुंदेंदि, बे समाव चीनि राजथानियाव 9 सानसिम बिदुडा माइनास 10 डिग्री सेल्सियास (14 फारेनहाइट)नि गाहायाव दं।

बेइजिंनि खोला-सोनाबाव थानाय गेजेर चीनि हादरसा हेनाननि गोबां नोगोरफोरा गोजां बोथोरव गुदुं जगायनायनि आंखालजो जुजिगासिनो दड। जियाजुअ'सहराव थाम्लै पावार जगायग्राफोरा जगायनायखौ रोखा खालामनो नारसिनजागासिनो। सहरनि गाहाइ जगायग्राफोरनि गेजेराव मोनसे, जियाजुअ'वानफां एलुमिनियम दिह्थ्यायव हिटिफोर गाजि जादों जायनि जाहोनाव माखासे ओन्सोलोफोराव गोखेनो बांसिन दुंथाय जगायनायनि गोनांथि जायो। बे समावनो हेनाननि मोनै गुबुन नोगोरफोर-पुयांग आरो पिंइंशानआ सिगानिफ्रायनो थाग्रा बाहायनायनि थाखाय सरकारि बिफानफोर आरो खुंथायारि फसनथानफोरनो दुंथाय जगायनायखौ दोन्थ'बाय। □

चीना बिगोमनि भट्टियाव बेरफ्रुनायजो इन्डेनेसियाआव सा 13 सुबुंनि जिउ ख'हा


जाकार्ता, 25 डिसेम्बर: इन्डेनेसियाआव चीनि बिगोमनि गंसे भट्टियाव मोनसे गिदिर बेरफ्रुनाय जाथयाव खमैबो सा 13 सुबुंफोरनि जिउ गोमादों। बे जात्रबथाया रबिबारव इन्डेनेसियानि सुलावेसी द्वीपआव चीनि बिगोमनि निकेल प्लान्टआव मोनसे धातुनि गलायनाय भट्टियाव जादों। बे बेरफ्रुनायाव खमैबो सा 13 मावसाफोरनि जिउ गोमादों आरो गोबां सुबुंफोरा जोखोम जादों। पुलिस आरो कम्पानीनि सासे मावख'गिरिया बे फोरमायथिखौ होदों। बे जाथाइआ इन्डेनेसियानि निकेल गलायग्रा प्लान्टफोराव गिखंथाव जात्रबथायनि जाहोनाव जादों। बेयो चीनि गोनां गेजेर हायुंआरि जौगाथाय हाबाफारिनि बाहागो जायखौ 'बेल्ड एन्ड रड इनिशियेटिव' मुडै मिथिनाय जायो। निकेलआ मोब्लिबारि मटर-गारिफोरनि थाखाय मुलुगनां थाखोआव बेटारिफोर दिह्नायाव मोनसे गाहाय बाहागो। मिरुआरि सुलावेसी पुलिस गाहाइ आगु नुग्र'हाआ बुंदेंदि, भट्टि फाहामनायनि समाव बेरफ्रुनायाव बाडयसिनाव सा 5 चीन आरो 8 इन्डेनेसियानि मावसाफोरा जिउ गोमादोंमोन। नुग्र'हा बुंदेंदि, बेरफ्रुनाया ओरैबादि गोखोंमोनदि, बेयो भट्टिखौ सिफायदोंमोन आरो प्लान्टनि बिल्डिनि खाथि-खालानि इनजुरफोरनि माखासे बाहागोफोरखौ ख'हा खालामदोंमोन। बिथाड बुंदेंदि, सा 38 सो मावसाफोरखौ



देहा फाहामसालियाव थिसन्नाय जादोंमोन, जायनि माखासेआ गोब्राव थासारियाव दड। नुग्र'हा बुंदेंदि, बिबानगिरिफोरा बेखौ थि खालामनो नाजागासिनो दंमोनदि, कम्पानीनि सांग्रांथि गैयैनि जाहोनाव बे जाथाया जायाखै। कम्पानिनि बुंथिगिरि देदी कुर्नियवानआ बुडेदि, जों बे जाथायनि थाखाय गोसोजो निमाहा बियो आरो जात्रबथायनि जाहोनखौ नायबिजिरनो थाखाय बिबानगिरिफोरजो लोकोसे खामानि मावगासिनो दड। □

नाइजिरियानि सा-मिरु राइज्योआव गाग्लोबनायाव सा 16 सुबुंफोरनि जिउ रव'हा

आबुजा, 25 डिसेम्बर: नाइजिरियानि सा-मिरुआरि जौयेन राइज्योआव मोनसे गाग्लोबनायाव सा 16 सुबुंफोरनि जिउ खोमायो। जाय जायगायाव गाग्लोबनाय जादोंमोन बै जायगायाव मोसौ गुमग्रा आरो आबादारिफोरनि गेजेराव नालायनाया सरासनस्त्रा जादोंमोन। रिपर्टनि बायदिल्का, एएफपि खौरां एजेन्सिआ रबिबारव नाइजिरियानि रैनियाफोरखौ मख'नानै बे फोरमायथिखौ होदोंमोन। एएफपिआ सशेल मिडिया प्लेटफर्म एक्सआव मोनसे पस्टआव बुंदोंमोनदि, गाग्लोबनाया मुशु गामियाव जादोंमोन। जौयेनआ नाइजिरियानि मिरुआरि बेल्ड महरै मिथिजानाय गोबां माहारियारि आरो धोरमारि महरै गुबुन-गुबुन ओनसोलफोरनि गेजेराव मोनसे, जेराव बावैसो बोसोरफोराव हारि-माहारियारि दाडबाजिआ रोजा रोजा सुबुंफोरनि जिउ ख'हा खालामदों। मे दानाव जौयेन राइज्योआव आबादारिफोर आरो फिसिग्राफोरनि गेजेराव जानाय दाडबाजियाव सा 100 निबो बांसिन



सुबुंफोरा थैदोंमोन। हिंसाखौ गोबां समावनो मुस्लिम लावखारफोर आरो गुबैयै खुस्टान आबादारिफोरनि गेजेराव मोनसे हारि-धोरमारि सौग्रावलायनाय महरै दिन्थिनाय जायो। नाथाय बारहावा सोलायनाय आरो आबाद जौगायनायो बेनि मोनसे गाहाइ जाहोन। □

टेलिकमनि उनाव आम्बानीया मिडिया आरो रंजानायनि मुलुगाव मोनसे सोमावसारनाय लाबोनो हागौ!

गोदान दिल्ली, 25 डिसेम्बर: रिलाइन्स इन्डास्ट्रीजनि मासिगिरि मुकेश आम्बानीआ गावनि फालांगिखौ फेहेरगासिनो दड। मोनसेनि उनाव मोनसे गोरोबथायाव सागान होदौ। जिअ 'नि गेजेरजौ टेलिकम सेक्टरखौ सासन खालामनायनि उनाव रिलाइन्स मिडिया आरो एन्टरटेनमेन्टआ बे सेक्टराव मोनसे जाफुंसार जानो साखाफारा जादौ। रिलाइन्स इन्डास्ट्रीजआ रंजानाय सेक्टरनि गिदिर वाल्ट डिज्नीजौ मोनसे गिदिर गोरोबथा खालामदौ। मोनसे गिदिर गोरोबथा मोनसे थि नडे गोरोबथा खालामनाय जादौ। मखनो 'गोनादि, बे गोरोबथाया फेब्रुआरि 2024 मायथाइसिमाव आबुं जागोन। मुकेश आम्बानीनि कम्पानी रिलाइन्स इन्डास्ट्रीजआ जिय 'जौ लो गोसे टेलिकम सेक्टराव गोखोडे सोमजिहोदौमोन। जिय 'आ ओरैबादि दावहा जागायजेन्दौदि, गोबां टेलिकम कम्पानीफोरा गावसोरखौ बासायनो थाखाय ज' खालामनो एबा गावसोरनि फालांगिखौ फान्नो गोनां जादौमोन। जिय 'आ गावनि



बेसेन नाडे कलिं, बेसेन नाडे डाटा अफारजौ माखासे बोसोरफोराव बायगिरिफोरनि मोनसे गिदिर बिथा बानायदौ। आथिखालाव रिलाइन्स जिय 'आ टेलिकम सेक्टरनि बयनिखुइबो देरसिन कम्पानि। टेलिकम सेक्टरनि उनाव रिलाइन्सआ आथिखालाव मिडिया आरो रंजानाय सेक्टराव गोखेयै गावनि थांखिखौ गोसारहोगासिनो दड। बे फारिआव रिलाइन्सआ वाल्ट डिज्नीजौ मोनसे गिदिर गोरोबथा खालामदौ। सुलुनि बायदिब्ला, मोनसे कम्पानीफोरनि गेजेराव गोरोबथाया थानाय सप्ताहयाव लन्दनाव जादौमोन। लन्दनाव

डिज्नीनि केविन मेयर आरो मुकेश आम्बानीनि खाथि हेफाजाबगिरि मनज मदिनि गेजेराव गोबां खेब सावरायनायनि उनाव गोरोबथाखौ थि खालामनाय जादौमोन। रिलाइन्स आरो डिज्नीआ बे गोरोबथाजौ हादरनि बयनिखुइबो देरसिन मिडिया आरो रंजानाय कम्पानी बानायनो थियारि खालामगासिनो। मोनसे कम्पानिफोरनि गेजेराव बे ज' खालामनाया स्टक आरो नोगोद रांआव जागोन। रिलाइन्सआ बेयाव 51 जौखोन्दो बाहागो थागोन आरो डिज्नीआ 49 जौखोन्दो बाहागो थागोन। बे गोरोबथानि उनाव बेयो हादरनि बयनिखुइ देरसिन मिडिया आरो

रंजानाय कम्पानी जागोन। बे गोरोबथानि उनाव, स्टार इन्डियाआ 77 चेनेलफोर दं आरो वायकम 18 आव गासै 115 चेनेलफोरजौ 38 चेनेलफोर दड। बेनि अनगायैबो, डिज्नी प्लास हटस्टार आरो जिय ' सिनेमा स्ट्रीमिंग प्लेटफर्मफोरखौ लाफानाय जादौ। बे गोरोबथाया आबुं जानायनि उनाव, एमेजन, नेटफिलक्स बायदि अटीटी प्लेटफर्मफोरनि जुजिनाया बांगोन। जुदि रिलाइन्सआ बैयावबो बेसेननि दावहा जागायजेनो, अब्ला बे स्ट्रीमिंग प्लेटफर्मफोरा जेनाखौ बांहोगोनआ रोखा। बबेखानि नायगिरिफोर बेसेन बानायनिप्रय मुलाम्फा जागोन।

अटल बिहारी बाजपेयीनि मुडै दोनजानाय सरकारि बिथांखि पेन्सननि राहाखौ बोराय-बुरै बैसोआव मोनो हागोन

गोदान दिल्ली, 25 डिसेम्बर: डिसेम्बरआ बाग ' गहाइ मन्थि अटल बिहारी बाजपेयीनि जोनोम सान। बिथांनि सन्मानाव मिरु सरकारा अटलनि मुखव गोबां बिथांखिफोर जागायदौमोन, गोबां सरकारि बिथांखिफोर सालायदौमोन। नोंथाड बारग ' गहाइ मन्थि अटल बिहारी बाजपेयीनि मुखव सोलिबाय थानाय बयनिखुइबो मुंदांखासिन पेन्सन बिथांखियाव एसेल ' रां थिसन्नानै गावनि बोराय बैसोखौ रैखा खालामनो हायो। दिने बिथांनि जोनोम साननि बुल्लियाव अटल पेन्सन बिथांखिनि सोमोन्दै आबुं फोरमायथिखौ मिन्थिना ला। अटल पेन्सन बिथांखियाव नोंथाड एसे बिबांनि रां दोनथुमनानै गावनि बोराय बैसोखौ रैखा खालामनो हायो। अटल पेन्सन बिथांखियाव नोंथाड सानसेयाव 7 रॉसिम रैखा खालामनो हागोन आरो बोराय बैसोआव 5000 रॉसिम पेन्सन मोनो हागोन। 2015 मायथाइयाव मदि सरकारा अटल पेन्सन बिथांखि जागायदौमोन। दासिम 6 कौटिनिबो बांसिन मुलाम्फा मोनगाफोरा बे बिथांखियाव हाबफै बाय। बे पेन्सन



बिथांखिखौ जागायजेनायनि आन्दोआव थानाय सरकारनि थांखिया बैसो जानाय समाव हादरनि मोनफोमबो थाखोखौ समाजारि रेखाथि होनाय। अटल पेन्सन बिथांखियाव रां थिसन्नानै आजिरा मोननायनि उनाव थामहिनबा 60 बोसोरनि उनाव 1000 रॉनिक्राय 5000 रॉसिम दानारि पेन्सन मोनो हागोन। नाथाय, पेन्सननि बिबाड नॉनि रां थिसन्नानायनि बिबांनि सायाव सोनारो। पेन्सन फान्ड रेगुलेटरि एन्ड डेभेलपमेन्ट अथरिटीनि बायदिब्ला, जुदि नोंथानि बैसोआ 18 बोसोर आरो सानफोमबो 7 रां थिसनो अब्ला 60 बोसोर बैसोनि उनाव नोंथाड 5000 रां दानारि पेन्सन मोनो हागोन। सानफोमबो 7

रां थिसन्नानायजौ नोंथाड दानसेआव 210 रां थिसनो। 42 बोसोर अटल पेन्सन बिथांखियाव रां थिसन्नानायनि उनाव नोंथाड 60 बोसोर बैसोनि उनाव दानफोमबो 5000 रां पेन्सन मोनगोन। बे बिथांखिया बयनिखुइबो फिथाइगोनांसिन मानोना जायखिजाया भारतारिफोरा बे बिथांखियाव रां थिसनो हागोन। जुदि नोंथानि बैसोआ 18 निफ्राय 40 बोसोरनि गेजेराव अब्ला नोंथाड बेयाव रां थिसनो हागोन। अक्टबर 2022 मायथाइयाव सरकारा बेयाव एसे सोलायनाय लाबोदौमोन। जायनि बायदिब्ला खाजोना होग्राफोरा अटल पेन्सन बिथांखिनि मुलाम्फा लानो हाया। फिसाय आरो बिसि

सानैबो बे पेन्सन बिथांखिनि मुलाम्फाखौ लानो हागोन। फिसाय थैयोब्ला बिसिनो पेन्सन होनाय जायो। नोंथाड 60 बोसोर बैसोसिम रां थिसनान्गोन। जुदि सोद्रोमाया थैयो, अब्ला पेन्सननि रांखौ मुंसायख 'जाग्रानो होनाय जागोन। जुदि नोंथाड बैंक एकाउन्ट, आधार कार्ड दं अब्ला नोंथाड बे बिथांखियाव गोसलैयनो रां दोन्थुमनो हागोन। नोंथाड खालि बैंकाव थानांगोन आरो अटल पेन्सन यजनानि थाखाय आरज गाबनांगोन। अटल पेन्सन बिथांखिनि फर्मजौ लो गोसे गासैबो गोनांथिफोरखौ होनांगोन। केवाइसि आपडेटनि उनाव, नोंथानि पेन्सन एकाउन्टखौ खुलिनाय जागोन।

कला किंग ' रबिकान्तआ बोसोरसेआव 500 बिलियन रां आर्जिनो हादौ



गोदान दिल्ली, 25 डिसेम्बर: नोंथाड पेप्सी, 7अप, डयुक बायदि सफ्ट ड्रिंक्स लॉबाय थायो जानांगौ। भरुन बेवेरेजआ आरबपति रबिकान्त जयपुरियानि बिगोमा। बिथांखौ हादराव कला राजा मुडै मिथिनाय जायो। 2023 मायथाइयाव बिथाड गोबां सावरायजागासिनो दं। मानोना 2023 मायथाइयाव थामहिनबा बोसोरसेआव रबिकान्त जयपुरियानि खामानयाया 6 बिलियन डलार एबा 499.17 बिलियन रां बांदौ। बोसोरसेआव रबिकान्तआ 500 बिलियन आर्जिदौ। ब्लुमबार्ग बिलियनेयर्स इन्डेक्सनि बायदिब्ला, रबिकान्त जयपुरियानि गासै सम्पथिया 14.8 बिलियन डलार एबा 1231.29 बिलियन डलारसिम सौहैबाय। खामानयाय आरो धोननि बिथिडव बिथाड कडाक महिन्द्रा बैंकनि उदय

कडाकखौ उनाव दोनबाय। बे समाव भरुन बेभारेजनि मार्केट केपआ 163418.38 कौटि रांसिम सौहैबाय। बिथांनि नख 'रा जागायजेनायनिफ्रायनो फालांगिजौ सोमोन्दो दंमोन। बिथाड अमेरिकायाव फालांगि सामलायनायखौ फरायदौमोन। गावनि फरायनायखौ फोजोबखानायनि उनाव बिथाड 1985 माइथायाव भारतआव फैफिन्दौ आरो नख 'रनि बटलिं फालांगिखौ सामलायदौमोन। 1987 मायथाइयाव नख 'रा गावस्रादौ आरो बटलिं प्लान्टआ रबिकान्तनि बाहागोआव फैदौमोन। बिथाड गावनि फालांगिखौ फेहेरनो थाखाय खामानि मावनो जुजिजेनदौमोन। बिथांनि कम्पानी आरजे कर्पआ माखासे बोसोरनि उनाव पेन्सिजौ मोनसे गोरोबथा खालामदौमोन। बिथाड कम्पानीखौ मोनै बाहागोआव

बोखावदौमोन आरो मोनैनिबो मुंखौ गावनि फिसाब्ला आरो फिसाजोनि मुखव दोन्दौमोन। भरुण बेवेरेजस आरो देवयानी इन्टरनेसनेल मोनैबो आरजे कर्पजौ सामलायजायो जायनि रबिकान्तआ मासिगिरि। बिथाड फालांगिखौ जौगागासिनो दंमोन जेब्ला बिथांनि बिसिया मोनसे बिरखनि जाब्रबथायाव थैदौमोन। रबिकान्तआ गावनि सानै गथ 'फोरजौ लाजादौमोन आरो बिथांजौ फालांगियाव बाहागो लादौ। आथिखालाव भरुन बेवेरेजआ आमेरिकानि बायजोआव पेप्सीनि नैथि बयनिखुइबो देरसिन बटलिं पार्टनार। पेप्सिक 'नि बटलिं अनगायैबो, रबिकान्त जयपुरियानि कम्पानीया गावसोरनि दिहुनजानाय बेसादफोरनि रान्नायखौबो नोजेर होयो। बिथांनि गुबुन कम्पानी, देवयानी इन्टरनेशनलआ भारतआव केएफसि, पिज्जा हट, कस्टा कफि आरो टीडब्लुजी टी आउटलेटफोरखौ सालायो। बेनि अनगायैबो, बिथाड सावस्त्रि सिबिथाय फार्म मेदांता आरो हटेल चेन लेमन ट्रीआवबो बाहागो लादौमोन।

भारतआ 2030 माइथायसिम बोसोराव 10 मिलियन मोब्लिब मथर-गारि फानगोन

गोदान दिल्ली, 25 डिसेम्बर: 2023 माइथायनि गिबि 11 दानाव हादराव मोब्लिबारि मटर-गारिफोरनि फान्नाया 50 जौखोन्दो बांनानै 13.87 लाख इजनिट जायो आरो लामा आरो राजालामा मन्थि नितिन गाडकारीआ फोरमायदौदि, 2030 माइथायसिमाव भारतआव बोसोराव 1 कौटि मोब्लिबारि मटर-गारिफोरा फानजागोन। 5 बोसोरावनो भारतआव मोब्लिबारि गारि (इ.भि.) दारिमिना मोनसे गोखौ बिथा गायसन्नायल' नख, नाथाय गुबुन गुबुन फरायसनायनिफ्राय मिथिनो मोनोदि, भारतआ फेगौ 10 बोसोराव मुलुगाव इ.भि. दारिमिननि जगायनाय फारिनि मोनसे गोनांथार मिरु महरै गायसनगोन। गोदान दिल्लीयाव थानाय सप्ताहयाव जोबनाय इ.भि. एक्सप'आ दिन्थियोदि, भारतआ इ.भि. दारिमिनाव गोदान गोदान दिहुनथायनि मिरु जागायगासिनो दं। कम्पानीफोराल बेवहाय इ.भि. हाथाइखौ महर होनायाव नांथाबना दं नाथाय गेजेर आरो फिसा कम्पानीफोर आरो स्टार्ट-आपफोरनि थियारिफोराबो बे दारिमिननि साबसिन इयुननि



फारसे इसारा होयो। गिदिर कार कम्पानीफोरनि सोमोन्दै बाथ्रा बुंदौ, अब्ला बोसोर 2023 माइथायाव हादरनि मोनै गहाय कार कम्पानिफोर हुन्डाइ आरो टाटा मटर्सआ इ.भि. हाथाइयाव जोबोद गोनां मडेलफोर लन्व खालामनो थांगासिनो दं। भारतनि इ.भि. हाथाइयाव बयनिखुइ बांसिन बाहागो (फ्राय 75 जौखोन्दो) थानाय टाटा मटर्सआ फेगौ दानाव (जानुवारि 2024) बयनिखुइ बाडइसिन बेसेननि इ.भि. लाबोनो थियारि जादौ। बे लन्वनि थाखाय कम्पानीया बावैसो मोब्लिबारि मटर-गारिफोरनि थाखाय जर 'खा सरुमफोरनि मोनसे नेटवर्क

बेखेवनो जागायदौ। नाथाय बेयो टाटा मटर्सआ इ.भि. हाथाइयाव मा खालामनो नागिरदौ, बेनि मोनसे फिसा नुथायल'। फेगौ बोसोराव कम्पानीनिफ्राय खमैबो गंथाम मोब्लिबारि कारफोरा भारतआव फेगोन। बेनि अनगायैबो हादरनि नैथि बयनिखुइबो देरसिन कार कम्पानी, हुन्डाइ मटर इन्डियाआ भारतारि हाथायनि थाखाय थियारि खालामजानाय गिबिसिन इवी (एसइडिभि) लन्व खालामनो थांगासिनो। किया मटर्सआबो बादयलायनायाव दड नाथाय 2025 माइथायनि जागायजेनायाव भारतारि बायगिरिफोरनि थाखाय गावनि गिबि एसइडिभिखौ लन्व


खालामनो थियारि। महिन्द्रयाबो 2024 माइथायनि फोर्बेनि बोथोराव मोब्लिबारि कारफोर लन्व खालामनो थांखि बानायदौ। बेयो गिदिर जाइन्टफोरनि सावरायनाय जाय गोदान लन्वनि बाथ्रा। बे कम्पानिफोरनाव रां आरो आर एन्ड डिनि मोनसे गिदिर हान्जाबो दं। नाथाय बे दारिमिनजौ सोमोन्दो थानाय स्टार्ट-आपफोरा थार ओंथियाव भारतारि इ.भि. जांखिथायखौ मोनसे गोदान जौथाय होनायनि खामानिखौ मावगासिनो दड। एथर एनर्जी, अल्टीग्रीन, ब्लुस्मार्ट, एक्सपेन्टे एनर्जी बायदि 1 रोजानिबो बांसिन स्टार्ट-आपफोर दं जाय इ.भि.

सोमावसारनायखौ देदनगासिनो दड। बेफोर नोगोरफोराव फालांगियायि साखा-खबथाम इ.भि. जगायनायनिफ्राय लानानै फिसा आरो गिदिर इ.भि.फोराव बाहायजानाय बेटारिफोरनि गोहोखौ बांहोनाय, चार्ज बेटारिफोरखौ सोलाय-सोल' खालामनाय आरो गोजान गोजान जायगाफोराव इ.भि.फोरखौ मोनो हानाय खालामनायसिम खामानि मावगासिनो दं। बाडयसिनाव 2 दर्जन स्टार्ट-आपफोरा मेड इन इन्डिया दिहु-थायफोर (इ.भि. दारिमिनजौ सौ मोन्दो गोनां) बानायनायजौल' सोमोन्दो दं। बेफोर कम्पानीफोरनि थाखाय साबायखर, जुदि नोंथाड इ.भि. साखा-खबनै गारि सालायो अब्ला नोंथाड थाबैनो भारतआव बानायनाय आगुजफोर मोनगोन, जाय नोंथानि गारिनि माइलेजखौ 20 जौखोन्दो बांहोगोन। बेनि जाहोनाव बोसोर 2024-2025 माइथायनिफ्राय हादरनि गासै अट मबाइल हाथाइयाव मोब्लिबारि मटर-गारिफोरनि बाहागोआबो गोखेयै बांगोन होना सन्नाय जादौ। रिपर्टआव बुनाय जादौदि, गासै कारफोराव मोब्लिबारि कारफोरनि बाहागोआ नै बोसोराव आथिखालनि 1 जौखोन्दोनिफ्राय 4 जौखोन्दो आरो 2030 माइथायसिमाव 15 जौखोन्दोसिम बांगोन आरो साखा-खबनैयाव दानि 5 जौखोन्दोनिफ्राय 2030 माइथायसिम 15 जौखोन्दो आरो 30 जौखोन्दोसिम बांगोन। बयनिखुइ देरसिन सोलायनायखौ साखा-खबथाम हाथायाव नुनो मोनगोन, जेराव मोब्लिबारि मटर-गारिफोरनि बाहागोआ आथिखालनि 7 जौखोन्दोनिफ्राय 40 जौखोन्दोसिम बांगोन।

एनसिआर सहरआव रेकर्ड महरै जौ फानजादौ, सुबुंफोरा दानफोमबो 300 कौटि रॉनि जौ आरो बियार लॉनायनि रेकर्ड मोन्दौ

गोदान दिल्ली, 25 डिसेम्बर: गथायजानाय खौरां निफ्राय मिलेनियम सिटी गुरुग्रामआव सानफोमबो मख 'जाथाव रादाव ओंखारबाय थायो। माब्लाबा कौटि रॉनि सम्पथि फान्नायनि जाहोनाव आरो माब्लाबा मुलुगनां कम्पानीफोरनि सोमावसारनायनि जाहोनाव। एनसिआरनि बे सहरआ मोनसे गोदान जाथाइनि थाखाय सिगां सारिनि खौराडव थादौ। गुबैयै गुरुग्रामनि सुबुंफोरा रेकर्ड महरै जौ बायनायनि खौराडव थादौ। गुरुग्राम आबकारी बिफानजौ

गथायजानाय खौरां निफ्राय मिथिनो मोनोदि, जिल्लानि सुबुंफोरा दानफोमबो 300 कौटि रॉनि जौ आरो बियार लॉगासिनो दं। बे अन्जिमाया सिगांनि गासैबो रेकर्डफोरखौ सिमफायदौ। गुरुग्रामनि सान्जा आरो सोनाबारि ओन्सोलफोराव जौनि फान्नायाव गोबां बांनयखौ नुनो मोन्दौ। जिल्लालाय थानाय 6 दानाव 1,518 कौटि रां बाहायनायखौ नुनो मोननाय जादौ। बे फोरमायथिखौ आबकारी बिफाननि



मावख 'गिरिफोरा होदौ। मावख 'रिफोरा बुंदौदि, बेयो 6 दानाव मोनसे मख 'जाथाव

बांनय। लेखइ आबकारी आरो खाजोना कमिसनार अमित भाटियाआ खौरां बिजौनि सिगाडव बुंदौदि, सान्जा आरो सोनाब ओन्सोलाव जौ फान्नायजौ जिल्लालाय जौ आरो बियार बाहायनाया बांदौ, जाय थानाय बोसोरनि रुजुनायाव 20 जौखोन्दोनि मख 'जाथाव बांसिन। गुरुग्राम जिल्लालाय मोनब्रै ओन्सोलाव बोखावनाय जादौ आरो बावैसो समाव दिल्लीनि गोदान आबकारी खाथिखौ बोखारनायनि उनाव

बायगिरिफोरनि बांलानाय गोनांथिनि थाखाय गोखौ बादयलायनाय जादौमोन, जायनि जाहोनाव गासै ओन्सोलफोराव लाइसेन्स मासुलआ 50 जौखोन्दोनि बांसिन बांदौमोन। खाजोना बांनयनि गोबां जाहोनफोर दं, बेफोरनि गेजेराव गोजौ समाजारि गनायजाथाव आरो बायग्राफोरनि जिउ थाखोआव जौगानाय। बेफोर गासैबो जौ फान्नायाव मोजां गोहोम खोख्लैदौ।